

ገድለ : አረጋግ ።

VITA

ZA-MÎKÂ'ÊL 'ARAGÂWÎ.

EDIDIT



IGNATIUS GUIDI



ROMAE

MDCCCXCVI.

1896



Roma. — Tipografia della R. Accademia dei Lincei.



Vita Za-Mikâ'el 'Aragâwî, quam nuper in Actis R. Acad. Lynceorum ⁽¹⁾ criticis adnotationibus instructam edidi, cum orationis elegantia, tum narrationibus hand iniucundis, ad veterem Aethiopum historiam pertinentibus, mihi valde idonea visa est, quam literarum aethiopicarum studiosi manibus versent. Quamobrem in praelectionum academicarum usum, textum 'ge'ez

⁽¹⁾ Memorie della Classe di scienze morali, storiche e filologiche. Ser. 5^a, Vol. II, I, p. 54.

ex editione critica seorsim edidi, et locum
unum vel alterum aperte corruptum ex
conjectura emendavi; ceterum qui de co-
dicibus quos secutus sum et de textus, ut
viunt, constitutione certior fieri velit, a-
deat Acta Acad. Lynceorum modo lau-
data.

IGNATIUS GRIPI.



በስመ : እግዚአብሔር : እኅብ :: ዘመ
ነ : መንግሥቱ : ዘኢይትዌዳእ :: መልዕ
ልተ : ነፋሳት : ደብተረ : ማይ : ዘያረግ
ዕ :: በከርሠ : ደመና : ማየ : በከር : ዘያ
መጽእ :: ወያዐርጎ : በእደ : መልእክት :
እንዘ : ያጋገእ :: በኅይል : መባርቅት :
ወነጐድጓድ : እንዘ : ያጸገዕ :: ድልቅ
ልቀ : ወፀዓዕ : እንዘ : ያወከሐ : እስከነ :
ደሰማዕ : መእዛነ : ዓለም : ርብዕ :: ወ
ደፌንዎ : ውስተ : ገጸ : ምድር : በከመ :
ሥፋዕ :: ለዘርእ : ወለማእረር : ለእጸግ

ጸሎቱ፡ ወበረከቱ፡ ወሀብተ፡ ረድኤቱ፡ የ
 ሀሉ፡ ምስሉ፡ ለዓለመ፡ ዓለም፡ አሚን።
 ወከመዝ፡ ውኡቱ፡ ፀኡቱ፡ ለአቡነ፡ ዘሚ
 ካኤል፡ ራብ፡ ትውልድ፡ እምእንጠጋየ-
 ስ፡ ወመቃርየስ፡ ወጳዥሚስ። ወለዝንቱ፡
 ብእሴ፡ እግዚአብሔር፡ ከመዝ፡ ውኡቱ፡
 ልደቱ፡ እመንግሥተ፡ ሮም። ስመ፡ አቡ-
 ሀ፡ ይስሐቅ፡ ወስመ፡ እሙ፡ እድና፡ ወፎ
 ሆሙ፡ ጸድቃን፡ እሙንቱ፡ ወፈረሀያነ፡ እ
 ግዚአብሔር፡ ወወሉዱ፡ ፎውሉደ፡ ለ፩፡ ስ
 ሙ፡ ቲዎድሮስ፡ ወልክልኡረ፡ ስሙ፡ ገብ
 ረ፡ አምላክ፤ ዝውኡቱ፡ ዘአስተጋብአነ፡ ተ-
 ዝካሩ፡ አቡነ፡ ወመምህርነ። ወእሙስ፡ ስ
 መዶዶ፡ ኡባደል፡ መሲሕ፡ ዘበትርጓሚሁ፡
 ገብረ፡ ክርስቶስ፡ ብሂል፤ ወሐፀንም፡ በኅ
 ቡባ፡ ወበፈሪህ፡ እግዚአብሔር፡ ወተምህ
 ረ፡ ኦሪተ፡ ወነቢያተ፡ ወዮሎ፡ መጻሕፍተ፡

ቀዱሳተ። ወልሀቀ፡ ወጸንዐ፡ በመገፈስ፡ ቀ
 ዱስ፡ ወይገይስ፡ ኀበ፡ ቤተ፡ ክርስቲያን፡
 ነግሀ፡ ወስርከ። ወሐፀዩ፡ ሎቱ፡ ብእሴ
 ተ፡ እምሀበይተ፡ ቤተ፡ መንግሥት፡ ወአ
 በዩ፡ አውስበ፡ እስመ፡ እምንእሱ፡ ሕኑጽ፡
 ውኡቱ፡ በመገፈስ፡ ቀዱስ። ወእምዝ፡ እ
 ምድኅረ፡ ብዙኅ፡ መዋዕል፡ መጽአ፡ እ
 ብ፡ ክቡር፡ አቡነ፡ ዘሚካኤል፡ እምሮም
 ያ፡ ወበጽሐ፡ ተባይዳ፡ ብሔረ፡ ጽርዕ፡ ዘ
 ውኡቱ፡ ደውናስ፡ ኀበ፡ ሀሎ፡ አባ፡ ጳ
 ዮሚስ፡ አባ፡ መንኮሳት፡ ሠረዒ፡ ማኅበ
 ሮ፡ ዐቢይ። ወትራከበ፡ ፩ እመንኮሳት፡ ወ
 ይሌሎ፡ እምአይቱ፡ መጻእስ፡ እስመ፡ ሕ
 ፃን፡ ወላሕይ፡ አንተ፤ ወይሌሎ፡ እም
 ነ፡ ሮምያ፡ መጻእኩ፡ እስመ፡ ብዩ፡ መፍ
 ቀድ፡ ኀበ፡ አባ፡ ጳዮሚስ። ወዘንተ፡ ስ
 ሚያ፡ አብአ፡ ጽምሚተ፡ ኀበ፡ አባ፡ ጳ

ነሐሴ ፡ ወሰባ ፡ ርእሶ ፡ ቀዳሳ ፡ ሰዐሞ ፡
 ወአፍቀሮ ፡ እስመ ፡ ጸጋ ፡ እግዚአብሔር ፡
 ኅዳር ፡ ላዕሌሁ ፡ ወይቤሉ ፡ በእንተ ፡ ም
 ንት ፡ መጸእከ ፡ ገቤዩ ፡ ወነገሮ ፡ ነሐሴ ፡ ኅ
 ሊናሁ ፡ ወይቤሉ ፡ መጸእኩ ፡ ከመ ፡ እኩ
 ን ፡ መነከሰ ፡ ከማከ ፡ ወይቤሉ ፡ ኦወል
 ድዩ ፡ ትከልኑ ፡ ከዊኅ ፡ መነከሰ ፡ እስመ ፡
 ወልደ ፡ መንግሥት ፡ አንተ ፡ ወይቤሉ ፡
 መንግሥት ፡ ዘበምድር ፡ ገላፊ ፡ ወአቲ ፡
 ወይቤሉ ፡ አባ ፡ ጳጳሳ ፡ አይምሰልከ ፡
 ቀሊል ፡ ግብረ ፡ ምንኩስና ፡ እስመ ፡ ብዙ
 ኃን ፡ እል ፡ መጽኢ ፡ ገቤዩ ፡ ወከአኑ ፡ ት
 ዕግሥተ ፡ ወይቤሉ ፡ አቡኅ ፡ ዘማከኤል ፡
 ለአባ ፡ ጳጳሳ ፡ አመከረኒ ፡ ከይዩኒ ፡ አ
 አባ ፡ ወርኢ ፡ ምግባርዩ ፡ ወይቤሉ ፡ አን
 ቲ ፡ አመከር ፡ ርእሰከ ፡ ወይቤሉ ፡ አሁ ፡
 ወነበረ ፡ ኅጻጠ ፡ መዋዕል ፡ ምስሌሆሙ ፡

መፍትሔኩ ፡ እንከ ፡ ይደሉ ፡ ከመ ፡ ንንግ
 ር ፡ በእንተ ፡ ብጽሐቲ ፡ ገባ ፡ አባ ፡ ጳጳሳ
 ሚከ ፡ በከመ ፡ ነገረኅ ፡ ቀድመ ፡ ወዘከመ ፡
 ተሰእል ፡ በእንተ ፡ ምንኩስናሁ ፡ ወይቤሉ ፡
 ተመከር ፡ ወልድዩ ፡ ንከተት ፡ እስመ ፡ ይቤ ፡
 መጽሐፍ ፡ ሶባ ፡ ተሐውር ፡ ትትቀነይ ፡
 ለእግዚአብሔር ፡ አስተዳሉ ፡ ነፍሰከ ፡ ለ
 ሕማም ፡ እስመ ፡ በእሳት ፡ ያማከርዎ ፡ ለ
 ወርቅ ፡ ወልብእሱረኒ ፡ ጸድቅ ፡ በሕማመ ፡ ተ
 ጽናስ ፡ ወቀዳሱስ ፡ አቡኅ ፡ ዘማከኤል ፡ ር
 ኢዮ ፡ ዘንተ ፡ ነሐሴ ፡ ጸማሆሙ ፡ ወትጋሆ
 ሙ ፡ ለቅዱሳን ፡ ተምህረ ፡ እምኒሆሙ ፡ ወ
 አፍቀሮ ፡ ፈድፋድ ፡ አባ ፡ ጳጳሳ ፡ በእ
 ንተ ፡ ሥነ ፡ ምግባሩ ፡ ወሃይማኖቱ ፡ ወ
 አልበሰ ፡ አልባሰ ፡ ምንኩስና ፡ ወይቤሉ ፡
 ይባርክ ፡ እግዚአብሔር ፡ አስከማከ ፡ በከ
 ሙ ፡ በረከ ፡ ላዕል ፡ አባ ፡ እንጦንዮሱ ፡ ወአ

ባ : መቃርስ : አበውዩ ። ወአምድጋረ : አ
ልበሰ : አባ : ጳጳራዊት : ሰመዮ : ዘሚካኤ
ል : ወከኖ : ወልደ : ምእመን : ዘከመ : አ
ምሳሊሁ : ወወልደ : ነወጃመት : እም
አመ : ተወልደ : እስከ : አመ : ነሥኦ :
አስኬማ : ቀድሰተ ። ወነበረ : በጾም : ወበ
ጸሎት : በዐቢይ : ትጋህ : ወበብዙጥ : ጽ
መና : እስመ : መፍቀሬ : ጽድቅ : ውእ
ቱ ። ውተስምዐ : ዚናሁ : በዛላሂ : ወበዛ
ሉ : አሀገር : እስከ : ሮም : ሀገረ : አቡሁ ።
ወዓዲ : ጎልደኩ : እንግር : እንዘ : እብል :
እፎ : እክል : አነ : ድኩም : ወፅዑስ : ጎሊ
ና : ከመ : እዚኑ : ዛሎ : ገድል : ዚአሁ ፤
መኑ : ይክል : ነገረ : ጸማሁ : ውትዕግሥ
ቱ : አይ : ልቡና : ወአይ : ልሳን : ወአይ :
ከናፍር : ዘይክል : አብጽሑት : ገድሉ :
ወፈጽሞ : ጸማሁ ፤ በከመ : ይቤ : ጸጥት :

ብዙጥ : አማሞም ። ለጸድቃን ፤ ወከፅበ :
ይብል : ሐዋርያ : ጎደጠ : ሐሚመከመ :
ውእቱ : ይፈጽም : ለከመ ። ። ።
ወሰሚያመ : ከመ : ለብስ : እልባስ :
ምንዙስና : አቡጥ : ዘሚካኤል : ወመነነ :
ዓለመ : በእንተ : ክርስቶስ : እንዘ : ሕፃን :
ውእቱ : መጽሐ፡ ጎቤሁ : ቀዳሳነ : ሮም :
አባ : ሊቃኖስ : ዘቀስጥንጥንያ : ወአባ :
ይምዓታ : እምሀገረ : ቆስያት : ወአባ :
ጽሕማ : እምአንጾኪያ : ወአባ : ጉባ : እም
ቂልቅያ : ወአባ : አፍጼ : እምእስያ : ወ
አባ : ጳንጠሉዎን : እምሮምያ : ወአባ : አ
ሌፍ : እምቂሳርያ ። ወበጽሑ : ጎባ : ሀላ
ወ : አባ : ጳጳራዊት : ወዝንቱ : አቡጥ : ዘ
ሚካኤል ። ወሐባ : ርእዮመ : ለእጎሞሁ :
ተፈሥሐ : በመንፈሱ : ውተአምኑ : ውተ
ሐቀፋ : ውተሰዐመ : በበይናቲሆመ :

ወይቤልዎ : ለአባ : ጳጳሮች : አልብስነ :
 አስኬማ : ዘመንከሳት : ለነረ : አአባ : ክቡ
 ር : ወይቤልዎ : ትክለት : አውለድድ :
 ጸዋረ : አርዑት : ምንክስና : እስመ : ዕጹ
 ብ : ወክብድ : ውሕቱ : ወይቤልዎ : እው :
 ንክል : እግዚአብሔር : ይረድክ : በጸሎ
 ትክ : ዝሕፃን : ዘካሄነ : መርሐ : ውስተ :
 ዛቲ : አንቀጽ : ከመ : ንባእ : ለነረ : ከማ
 ሁ : አልብስነ : አአባ : ወሰቤሃ : አልብስ
 ሙ : አልብስ : ምንክስና : ወባረክ : ላዕሌ
 ሆመ : ወሰመድ : አስማቲሆመ : ዘለ
 ለፅፅ : ወነበሩ : ኅብረ : ጅኦቲው : ምስል :
 መምህሮመ : አባ : ጳጳሮች : ብዙኅ : ሃ
 መታተ : እንዘ : ይተመሀሩ : ግብረ : ምን
 ክስና : ወሥርዐት : ማኅበር : በብዙኅ :
 ጸማ : ወትጋህ : በአርምም : ወባትፅግሥ
 ት : ወአትሕዱ : ርእስ : ወይቤልዎ : ለአ

ቡኅ : ቀዳስ : ዘማከክል : ብዕፃን : ለከ :
 ዘክንከነ : መርሐ : ኅብ : ዛቲ : ፍኖት : ከመ :
 ኄር : ፍላጊ : ዘጸዕቀብ : መርዕዱ : ወበ
 እንተዝ : ተስምዶ : እረጋግረ : በእንተ : ሞ
 በቡ : ወምክሩ : እንዘ : ንኡስ : ውሕቱ :
 እንከ : በአካል : ሥጋ : ምሉኦ : አእምሮ :
 ወሞገስ : ወውፋድ : ጸጋ : ወአመ : በጽ
 ሐ : ጊዜ : ፍልሰቱ : ለአባ : ጳጳሮች : ጸ
 ውያ : ለቲያድሮስ : ወልዱ : ወአኅዘ : ጸ
 ሕሞ : ወይቤልዎ : አዕፅምትድ : ለእመ : ኅ
 ብኡ : አውፅእ : እምህድ : ለቲያድሮስ :
 መስሎ : ዘይቤልዎ : ከመ : ኢይገድግ : ሥ
 ጋሁ : ኅብ : ቀበሩ : አላ : ከመ : ያፍልስ :
 ኅብ : ከልእ : ገጽ : በጽማት : ወበ : በ
 ዕድረ : ዘአዘዘ : ብዙኅ : ከመ : ይዕቀብ
 ሙ : ለአኅው : በሥርዐት : ማኅበር : እን
 ተ : ነበሩ : ቀዳሙ : ወይቤልዎ : ቲያድሮ

ስ : ሠናዩ : አአቡዩ : ዘትቤልሂ : እገብር :
 ልክ : ዠሎ : ዳእሙ : ጸሊ : በእጉተኦዩ :
 ጎባ : አምላክከ : ከመ : ይዕቀባሂ : በሥር
 ዐትከ : ወበሐግከ ። ወይቤሎ : አባ : ጳዠ
 ሚስ : ተአመገ : በሕቱ : ዠሎ : ይትገብር :
 ልክ : አወልድዩ ፤ ወሶቤሃ : ወፅአት : መገ
 ፈሱ : ቀድሱት : እጌዝ : ትትቀሃይ : ለእግ
 ዚአብሔር : አመ ፤ ወ፪ : ለግገቦት : በሀ
 ገረ : ጽርዕ : በሰላመ : እግዚአብሔር ፤ ጸ
 ሎቱ : ወበረከቱ : ወምሕረተ : አምላኩ :
 ለአቡሃ : ጳዠሚስ : አባ : መሃከሳት : ዩሀ
 ሉ : ምስልሃ : ለዓለመ : ሃለም : አሚገ ።
 ለቲዎድሮስ : ወለአባ : እርሴስጌ
 ዩ : ረሰይምሙ : አባ : ህዩጌቲሁ : ለአ
 ባ : ጳዠሚስ : ለምኔታት : ወፈድፋደ
 ሰ : አፍቀርዎ : ለአባ : ቲዎድሮስ : እስ
 መ : ምእመገ : ውእቱ : በኅቤሆሙ ፤ ቃሉ

ሂ : ምሉአ : ሞገስ : ወይፌውስ : ሃፍስ :
 ብዙኃጌ : ወተፈሥሐ : አኅው : እስመ :
 ረከቡ : ሠናዩ : ረአዩ : ዘይክል : ዐቂባ :
 ሥርዐተ : ማኅበር : በከመ : ሥርዐተ : ሕ
 ገ : መምህርሙ ። ወለእሉሂ : ቅዱሳን :
 ቼ አኅው : ርአዩ : ሥነ : ጽድቆሙ : ወ
 ፍቀሮሙ : በበይናቲሆሙ : አፍቀሮሙ :
 ፈድፋደስ : ሉብፁዕ : አቡሃ : ዘሚክኤ
 ል : እስመ : ዩአምር : እምቅድም : ዠሎ :
 ሥነ : ምግባሩ : ወነበሩ : ኅቡረ : በጸም
 ወበጸሎት : በከመ : ያለምዱ ። ወእምዝ :
 መጽአት : እሙሂ : እድና : ሶባ : ሰምዐ
 ት : ዜና : ወልዳ : ወነገርዎ : በእጉተኦሃ :
 ወይቤልዎ : መጽአት : ገግሥት : እድና :
 እምከ : ወነግ : ሐር : ወተራከባ ። ወአ
 ውሥኦ : ወይቤሎሙ : አጌስ : አይሐው
 ር : ጎባ : እምዩ : እስመ : ተፈለጥኩ : እ

ምኒሃ : በእንተ : ክርስቶስ : ወይቤሎ :
 አባ : ቲዎድሮስ : ሐር : ፍጡን : ጎባ : እ
 ምስ : እስመ : መጽሐት : እምርሐቅ : ብ
 ሐር : በእንተአስ : ወይቤሎ : ለአባ :
 ቲዎድሮስ : አስማዕከነ : ዘይቤ : ወንጌ
 ል : ቅዱስ : ወይቤልዎ : ለእግዚእነ : ነገ :
 እምስ : ወአኅባከኒ : የጎሥሠ : ወይ
 ቀውሙ : አፍኦ : ወይቤሎሙ : እግዚእነ :
 አዲስ : እሰ : መኅ : እሙንቲ : እምየ :
 ወአኅውየ : ወአኅታየ : ዘእንበላ : ዘገብ
 ረ : ፈቃዶ : ለአቡየ : ዘበስማየት : ወበ
 እንተዝ : አይክል : ሐዋረ : ወለአከት :
 እሙኒ : እድፍ : እንዘ : ትብል : ተዘከር :
 ወልድየ : እንተ : ጸርኩስ : በከርሥየ : ያ
 አውራጎ : ወሐፀንኩስ : በአጥባታየ :
 አኅመንነኒ : በእንተ : ጎባ : አትየ : አወ
 ልድየ : አምሐልኩስ : በእግዚአብሔር :

በዙጎረዩክ : ለርስቲ : አርአየኒ : ገጸክ : ወ
 ሰአልዎ : ወይቤልዎ : አኅግባር : አአ
 ባ : አሆ : በላ : ለእምስ : ዘመጽሐት : ገዲ
 ፋ : ብዕል : ወክብረ : ተዘከር : ዘረከባ : ሀ
 ፈ : ወድካመ : እምርሐቅት : ፍኖት : ወ
 ሐረ : ጎቤሃ : ፍጡን : ወተራከባ : ወይቤ
 ላ : በእንተ : ምንት : መጸእኪ : እእምየ :
 ወትቤሎ : እሙ : አነኒ : መጸእኩ : ከመ :
 እልበስ : አልባስ : ምንኩስና : ከማክ : ወ
 ተፈሥሐ : ወአትኒ : ሶባ : ሰምዐ : እምእ
 ሙ : ዘትቤ : እልባስ : አልባስ : ምንኩ
 ስና : ወገባእ : ፍጡን : ወንገሮ : ለአባ : ቲ
 ዎድሮስ : ወአልበስዎ : አልባስ : ምንኩስ
 ና : ወአንበርዎ : ምስል : እሙ : ለአባ : ቲ
 ዎድሮስ : እስመ : ይአጉስ : ነበረት : ቀዲ
 ሙ : ምስል : መንከሳት : ለቢሳ : አልባስ :
 ምንኩስና : ወአትቲ : ለአባ : ጸኑሚስ : ሀል

ወት : እመ : ምኒት : ለአኃት : ወይአቲ :
 መካን : ንስቲት : ርከቅት : እምኒት : አኅ
 ው : ወይአቲስ : ኮነት : እሞን : ለብዙኃት :
 መነከሳይያት :: ወፅእንከ : አረጋዊ : ፈረ-
 ሂ : እግዚአብሔር : ዘስሙ : ዴጥሮስ : ሣ
 ሞ : ከመ : የሐውጸን : ለአኃት : እስመ : ጠ
 ቢብ : ወማእምር : ውኡት :: ወእመቦ : እም
 ውስተ : መነከሳት : ዘመጽአት : እሙ : አ
 ው : እኅቱ : አው : እምአዝማዲሆሙ : ይ
 ራንውሞ : ጎቤሆን : ምስለ : ዴቄሮስ : አረጋ
 ዊ :: ወከማው : ይአቲኒ : እድና : እመ : አ
 ቡነ : ዘማኒከኤል : ነበረት : እንዘ : ትትማ
 ሀር : እምኒሆን : ወካነት : መሥመራት : ለ
 እግዚአብሔር :: :: ::
 ወውኡቲስ : አቡነ : ዘማኒከኤል : ዘተ
 ስምየ : አረጋዊ : ነበረ : ከመዝ :: ቦ :
 አመ : ይትለአከ : ለአኅሞው : ወቦ : አ

መ : ይትለአከ : ለቤተ : ማኅበር : ወቦ :
 አመ : ይትለአከ : ለቅዱስ : ቲምድሮስ :
 መምህሩ :: ወልህቀ : ቦጾም : ወቦጸሎት :
 ወቦተሐርሞታት : ነብዙኃት : ወይማህር :
 እምዘ : ተምህረ : ለአኅሞው : ወነበሩ : ጎ
 ቤሀ : ለአቡነ : ቲምድሮስ : መጠነ : ጎግ
 መት :: ወአቡነስ : አባ : ይስሐቅ : ዘውእ
 ቲ : ገራማ : አሀሎ : ምስሌሆሙ :: ወእም
 ዝ : ጎለዩ : ከመ : ይግብአ : ውስተ : ሀገ
 ሮሙ : ወተስናአሉ : ምስለ : አቡሆሙ : ቲ
 ምድሮስ : ወምስለ : አባ : አርሔስንዩ :
 ወምስለ : ከሎሙ : ማኅበረ : ቅዱሳን :
 ናቁራን : አኅው :: ወአስተፋነውምሙ :
 ቢስላመ : እግዚአብሔር : ወቦጽሐ : ሮም
 ያ : ሀገረ : ሙላዩ : ሥጋሆሙ :: ወነበሩ :
 ጎዳጠ : መዋዕለ : በቢይ : ትጋህ : ወቦ
 ጽሙና : ወቦጸሎት : ብዙኅ : እንዘ : ይገ

ብሩ : ተአምራተ : ወመንከራተ ። ወሚጥ
 ሞ : ለሀገረ : ሮምያ : ጎበ : ሃይማኖት : ር
 ትዕት : እንተ : ተመሀርሞ : እምአበዋሆ
 ሙ : ቅዱሳን ። ወከፅበ : ስምዑ : ወረከቡ :
 እመጸሕፍት : ቅዱሳት : ዘከመ : ወሀባ : ከ
 ዳነ : ለእግዝእትነ : ማርያም : ከመ : ይኩ
 ግሞ : ግሥራተ : ምድረ : አዜብ : እላ : ይገ
 ብሩ : ተዝካራ ፤ ወሕዝባሲ : የዋሃን : እመ
 ግቱ : ወነገሥታኒ : ርቱዓነ : ሃይማኖት ።
 ውእቱስ : ቅዱስ : አቡነ : አረጋዊ : ይሚ
 ሀር : ለዮሐ : ቃላ : ሃይማኖት : እከመ :
 ውእቱ : ቅዱም : በጸወ : መለከት : ወጥ
 ዑም : ቃሉ : ወፈድፋድ : ጠቢብ : ወማ
 እምር : ወዕቁም : ገሊናሁ : አዕይንተሁ
 ኒ : ርቱዕ : ይኔጽራ : ወይፈቅድ : ዮሐ :
 ሰብእ : ይተመራሕ : እንተአሁ : ፍኖተ :
 እከመ : አይፈቅድ : ለበሕተቱ : አላ : ለ

ዮሐ : ይኒሊ ። ወተነድፈ : ልቡ : በፍቅ
 ረ : እግዝእትነ : ማርያም : ወበፍቅረ :
 ይእቲ : ሀገር ። ። ። ።
 ወእምዝ : ወፅኦ : በሌሊት : እንበላ : የ
 እምሮ : ሰብእ : ምስላ : ፤ እርዳኢሁ : እን
 ዘ : ይመርሖ : ቅዱስ : ሚካኤል : ይጸው
 ሮ : በካነፊሁ : ወኦብጽሖ : ፍጡነ : ሀ
 ገረ : አክሱም : ጎበ : ሀለዉ : ንጉሥ : ወ
 ጳጳስ ። ወርእዩ : ዮሐ : ኑባሬ : ሥርዐታ :
 ወእምነታ : ለድእቲ : ሀገር : እንተ : እም
 ነት : ዘእንበላ : ሐዋርያት : ወፍጡነ : ገብ
 ኦ : ለሮምያ : እምድገረ : ነባረ : ገዳጠ :
 መዋዕለ : ወዚሃም ። ለአገዋሁ : ወነገ
 ሮመ : ዮሐ : ዘርእዩ : በአዕይንተሁ ፤ አገ
 ዋሁኒ : ሰብ : ስምዑ : እምቃላ : አፋሁ :
 ተፈሥሖ : ዐቢዩ : ፍሥሖ : ወተባህሉ :
 በበድናተሆመ : ንሖር : ንሕነኒ : ጎበ : ይ

አቲ፡ ሀገር ። ወሃደ ፡ አልባቢሆመ፡ ለእ
 መጋቱ፡ ቅዱሳን ፡ በላህበ ፡ ሃይማኖት ፡ ዘ
 ክርስቶስ ። ወወፅኡ ፡ ፍጡነ ፡ ምስላ ፡ ቁ
 ሳቀሶመ፡ ወምስላ ፡ ታቦቶመ፡ ወምስ
 ላ ፡ ከሀኖቲሆመ፡ ወምስላ ፡ ንዋየ ፡ ቅድ
 ሳቲሆመ፡ ወምስላ ፡ መጸሐፍቲሆመ፡ ወ
 ምስላ ፡ ህጉሉ ፡ ሕዘቢሆመ፡ ወበጽሑ ፡ ሀ
 ገረ ፡ እክሱም ፡ እንዘ ፡ ይመርሑመ፡ እቡ
 ነ ፡ ዘሚክኤል ፡ በከመ ፡ እእመረ ፡ ቀዳሚ ፡
 ፍኖታ ፡ ጎበ ፡ ሀለዉ ፡ ንጉሥ ፡ ወጳጳስ ።
 ወስበ ፡ ርእይዎመ፡ ተፈሥሑ ፡ ዐቢየ ፡ ፍ
 ሥሐ ፡ ወአፍቀርዎመ፡ ፈድፋድ ፡ በእን
 ተ ፡ ሃይማኖቶመ፡ ወሥነ ፡ ጽድቆመ፡ ።
 ወከነ ፡ ፀአቶመ፡ ለእመጋቱ፡ ቅዱሳን ፡ በ
 ኃምስ ፡ ዓመተ ፡ መንግሥቱ ፡ ለአልዓ
 ሚዳ ፡ ወልደ ፡ ስልዓይብ ፡ ዘውእቱ ፡
 ሳድስ ፡ ንጉሥ ፡ እምአብርሃ ፡ ወአጽብሐ ።

ወበዓመተ ፡ ወፅኡ ፡ ፳፻ ቅዱሳን ፡ ለአኩ ፡
 ጎቤሁ ፡ ለይስሐቅ ፡ ሮምያ ፡ እስመ ፡ ያፈ
 ቅርዎ ፡ ፈድፋድ ፡ ወቅሩበመ፡ ውእቱ፡ በ
 ሥጋ ፡ ወዘመደ ፡ ለመንግሥት ፡ ህጉሎመ፡ ፡
 ወወልደ ፡ እኅቱ ፡ ለአቡነ ፡ ዘሚክኤል ፡
 ውእቱ ፡ እቡነ ፡ ይስሐቅ ። ወተንሥሐ ፡
 ሶቤሃ ፡ በሌሊት ፡ እምድገረ ፡ ነግሠ ፡ ፯ ዓ
 መተ ፡ ወጸሮ ፡ ገብርኤል ፡ በክነፊሁ ፡ ወአ
 ብጽሑ ፡ ሀገረ ፡ እክሱም ፡ ፍጡነ ፡ ጎበ ፡ ሀ
 ላዉ ፡ ቅዱሳን ፡ ተጋቢአመ፡ በጊዜ ፡ ፫ ሰ
 ዓት ፡ ዘመዓልት ። ወሶበ ፡ ርእይዎ ፡ ተፈ
 ሥሐ ፡ ወተሳላመ፡ በበድኖቲሆመ፡ ወ
 ተሐቀፉ ፡ ከሳውዲሆመ፡ ወበከዩ ፡ ብካ
 ዩ ፡ መረረ ፡ ወእእኩትዎ ፡ ለእግዚአብሔ
 ር ፡ እንዘ ፡ ይብሉ ፡ ስብሐት ፡ ለከ ፡ እግዚ
 ኦ ፡ እኩቲት ፡ ለመንግሥትከ ፡ ዘእስተጋ
 ባእከነ ፡ እምህጻሂ ፡ በኒረትከ ። ወሶቤሃ ፡

አልበስዎ : አስከሚ : ከማሆሙ : ወነበሩ :
 ውስተ : ቤተ : ቀጢን : አሐተኔ : ገቡረ :
 እንዘ : ይፀመዱ : ጸሎተ : ንጉሥኒ : ወ
 ጳጳስ : ያነከርዎሙ : ስበ : ርእዩ : ሥነ : ጽ
 ድቆሙ : ወሣኦሣኦ : አፋሆሙ : ወመፀ
 ዛ : ቃሎሙ : ወነበሩ : እንዘ : ይገብሩ :
 ተአምራተ : ወመንከራተ : ወመላእክተ :
 ስማይ : ወትረ : ይሔውጽዎሙ : ወእግ
 ዚእነ : ወመድኅኒነ : ይትረእዮሙ : ወአ
 ዩኅድግ : ወትረ : ሐውጸዮሙ : ሙታነ :
 ያነሥኡ : ወእለ : ለምጽ : ያነጽሐ : ወአ
 ንንንተ : ያወፅኡ : ወፅዉረን : ይሬእዩ :
 በጸሎቶሙ : ወበ : እምኔሆሙ : እለ : አ
 ፍለሱ : አድባረ : ወበ : እለ : ከፈሉ : ባሕ
 ረ : ወበ : እለ : ዘርእዎ : ለከርናይ : በነግሀ :
 ወበጊዜ : ስርክ : አረርዎ : አከዶሙ :
 ዲበ : ፅፀ : ግራር : ወበ : እለ : ተከሉ :

ፅፀ : አውልፅ : በጊዜ : ነግሀ : ወበቄለ :
 ስቤሃ : ወኮነ : ዐቢይ : ፅፀ : ወዩብስ : ወ
 በጽሐ : ለጽንሐሕ : ጊዜ : ስርክ : ወበ :
 እለ : ፀቄሩ : ማዩ : በመንፈፌ : ወአተክ
 ፅወ : ማዩ : ወበ : እለ : ተገንዙ : እም
 ኔሆሙ : በእደ : መላእክት : ወበ : እለ :
 አብርሀ : እምኔሆሙ : ፀሥሩ : አጸብዒሆ
 ሙ : በጊዜ : ጸሎት : ወበ : እለ : ተከብቱ :
 እምገጸ : ሞት : በጸጋ : እግዚአብሔር : ወ
 ተቀደሰት : ምድር : በከደተ : እገረሆሙ :
 ወተሐደሰ : አፅጸዳተነ : በአንሶስዎቶሙ :
 ወተክፅወ : ውስተ : አድያማነ : መዐዛ :
 ቃሎሙ : ወአስተጸንዐ : መሠረተ : እምነ
 ታ : ለኢትዮጵያ : በበአቶሙ : ውስቲታ :
 ጸሎቶሙ : ወበረከቶሙ : ወጸማ : ንግደቶ
 ሙ : የሀሉ : ምስሌነ : ለዓለመ : ዓለም : አ
 ሚን : ወእምዝ : ሞተ : አልዓማደ : ንጉሥ :

በቺግመት : እምዘ : ወፅኦ : ወበከይዎ :
 እሉ : ቅዱሳን : ወህሉ : ሕዝብ : ወቀበር
 ዎ : ውስተ : መቃብረ : ነገሥት : በክብር ::
 ወነግሠ : ታዚና : እቡሁ : ለካሉብ :: ወነበ
 ሩ : ውስተ : ቤተ : ቀጢን : አማኅቢሮ
 ሙ : እንበለ : ተፈልጦ : እንዘ : ያርእዩ :
 ሥነ : ጽድቆሙ : ከሙ : ከዋክብት : ብሩ
 ሃን : እለ : ያንበለብሉ : በገጸ : ስማይ : ወ
 ከመ : ዕፀወ : ነገት : ምዑዛን : ከዘኢአሁ :
 ሥነ : ጽጌሁ : ወዘዘኢአሁ : እስከለ : ፍሬ
 ሁ : ብዙነ : ተአምረ : መመንከረ : ይገ
 ብሩ : በጸሎቶሙ : ሐንካሳን : ይረውጹ :
 ወበሃማን : ይትናገሩ : ወጽሙማን : ይ
 ስምዑ : ወመኃትው : ይወርዱ : ዲበ : ማ
 እደሙ : ዘይበርህ : እምነ : ፀሐይ : ወኢ
 ይጥፅሙ : እክለ : ዘእንበለ : በሰንበተ : ከ
 ርስቲያን : ወበ : አመ : ይጸውሙ : በበ

ሐይ : ወበበረቡዕ : ወበበጎሙስ :: ወነ
 በሩ : ከመዝ : ጎቡረ : መጠነ : ፲ ወ ፪ : ግ
 መት : ወእሙኒ : እድና : ነበረት : አንጸረ :
 ጎሮሙ : ምስለ : መንከሳይያት : እለ : ከ
 ማነ : እለ : ወፅኦ : ምስልነ :: ወለውእቱ
 ሰ : እቡነ : አረጋዊ : ረሰይዎ : መክብብ
 ሙ : ወአፍቀርዎ : ከመ : እቡሆሙ :: ወ
 እክበርዎ : ከመ : እምላከሙ : ወስመይ
 ዎ : ስሞ : አረጋዊ : ጠቢብ : ወማእምር :
 ብሂል : በእንተ : ዘኮኖሙ : መርሐ : በ
 ፍኖት : ከመ : ጴጥሮስ : መርሐ : ሐዋር
 ያት :: ወበላድስ : ግመተ : መንግሥቱ : ለ
 ታዚና : ጎለዩ : ወይቤሉ : ገዑ : ንትፈለ
 ጥ : በበይናቲነ :: ዝሰ : ንብረተ : ተደላ :
 ውእቱ : ወይመስለነ : ዘሀለውነ : ውስተ :
 ሀገርነ : ሰባ : ንትረአይ : ለልጅ :: ወበከ
 ዩ : ብካዩ : መሪረ : ወተሌለዩ : በበይናቲ

ሆሙ ፤ አባ ፡ ሊቃኖስ ፡ ጎባ ፡ ደብረ ፡ ቁ
 ናጽል ፡ ወአባ ፡ ጸገጠሉዎን ፡ አንጸረ ፡ ዚ
 አሁ ፡ መጠነ ፡ ፪ ምዕራፍ ፤ ወአባን ፡ ይስ
 ሐቅ ፡ ዘውእቱ ፡ ገሪማ ፡ መደራ ፤ ወአባ ፡ ጉ
 ባ ፡ አንጸረ ፡ መደራ ፡ መጠና ፡ ፫ ምዕራፍ ፤
 ወአባ ፡ ጽሕማ ፡ ጸድያ ፤ ወአባ ፡ ይምዓ
 ታ ፡ ገርዓልታ ፤ ወአባ ፡ አሴፍ ፡ አሕስዓ ፡
 አንተ ፡ ትሰመይ ፡ ብሕዛ ፤ ወአባ ፡ አፍጼ ፡
 ያጌ ፤ ዝንቱስ ፡ አቡን ፡ አረጋዊ ፡ ወፅአ ፡ ለ
 ብሔረ ፡ ምሥራቅ ፡ እንተ ፡ ትሰመይ ፡ እገ
 ላ ፡ ዘምሕዋረ ፡ ፪ መዋዕል ፡ ለጎያል ፡ ረ
 ዋጺ ፡ ወምስሌሁ ፡ እሙ ፡ ዘምስል ፡ ማት
 ያስ ፡ ረድኡ ። ወእንዘ ፡ የሐውሩ ፡ በፍኖ
 ት ፡ በጽሑ ፡ ጎባ ፡ መካን ፡ እንተ ፡ ትሰመ
 ይ ፡ መድሃኒት ፡ ወቤቱ ፡ ህዩ ፡ እስመ ፡ መ
 ስዩ ፡ ብሔር ፡ ወነበረ ፡ ጎቤሃ ፡ መጠነ ፡ ፯ ዕ
 ልት ። ወሰብአ ፡ ይእቱ ፡ ሀገር ፡ ፀዋጋን ፡ እ

ሙንቱ ፡ ወፀረፉ ፡ ላዕሌሁ ፡ ወጸዐልዎ ፡
 ወውእቱኒ ፡ ረገሞሙ ፡ እንዘ ፡ ይብል ፡ ት
 ረድ ፡ እሳት ፡ እምስማይ ፡ በሌሊት ፡ ወ
 ያዋፍኦ ፡ ፍሬ ፡ ምድርከሙ ፤ ወኢሐጸ ፡
 ወረዶ ፡ አስሐትያ ፡ ላዕሌሃ ፡ እስከ ፡ ዛቲ ፡
 ዕለት ። ለአሐቲሰ ፡ ሀገር ፡ እንተ ፡ ቅሩባ ፡
 ባረከ ፡ ላዕሌሃ ፡ ውጥማ ፡ በትእምርት ፡
 መስቀል ፡ እንዘ ፡ ይብል ፡ ኢይትጣእ ፡
 እምኒኪ ፡ ፍሬ ፡ ምድር ፡ ወኢሰብአ ፡ እ
 ላ ፡ የጎድሩ ፡ ውስቲትኪ ፤ ወይኩነ ፡ ብ
 ዑላነ ፡ ወእል ፡ በሙ ፡ ሞገስ ፡ ወይትረአዩ ፡
 አልሀምቲሆሙ ፡ እምርሐቅ ፡ ወአባግዒ
 ሆሙ ፡ ይትዋለዳ ፡ ብዙን ፡ በሙፋሪሆን ፡
 ወኢይትረከብ ፡ በላዕሌኪ ፡ ዐባረ ፡ እክል ፡
 ወኢሐጸተ ፡ ማይ ፡ ወሣዕር ፡ ለእንስሳ ።
 ውእቱስ ፡ ባረከ ፡ እእማሮ ፡ ከመ ፡ ትከውን ፡
 ተዝከረ ፡ ለርስቱ ፡ እምቅድመ ፡ ይኩን ፡ ለ

ደጋረ : መዋዕል : ወበእንተዝ : ባረከ : ለት-
 ውልደ : ትውልድ : እስከ : ለዓለም ። ወ
 ሕቀ : ኅሊፎ : ረከበ : ፅብእሴ : ዘበ : ጋኔ
 ን : ወየዐውድ : በድወ : ወከልሐ : በባሊ
 ይ : ቃል : እንዝ : ይብል : ብእሴ : እግዚአብ-
 ሐር : ቅዱስ : መጸእከነ : ታጥፍኦኒ : በጸ
 ሎትከ ፤ ወዐተቦ : በትእምርተ : መስቀል :
 ወይቤሎ : እርምም : ወእርመመ : ሰቤሃ :
 ወኢነበበ : ወተፈፀመ : ወወፅኦ : ጋኔን :
 እምኔሁ : ወእንሥኦ : በእደሁ : ወሕይ
 ወ : ሰቤሃ : ወይቤሎ : ሐር : ውስተ : ሀ
 ገርከ : ወእእኩቶ : ለእግዚአብሐር : በእን
 ተ : ዘአሕዩወከ ። ወወድቀ : ታሕተ : እ
 ገሪሁ : ለአቡሃ : ብእሴ : እግዚአብሐር :
 እረጋዊ : ወይቤሎ : ኢይተፈለጥ : እም
 ኒከ : ለዓለም : እስመ : ፈወስከኒ : እምደ
 ዌዩ : ዘነበርኩ : እንዝ : እሣቀይ : መጠነ :

፯ ዓመት ። ወጡባዐ : ወተለዎ : ወከነ :
 ረድኦ ። ወሶበ : ርእዩ : ስብኦ : ሀገር : እ
 ንዝ : ይገብር : ተኣምረ : ወመንከረ : ተ
 ጋብኡ : ኅቤሁ : ባቢይ : ወንኡስ : እስከ :
 ኢያበውሕዎ : ይሐር : ፍኖተ : እምፃፅ
 ቀ : ስብኦ ። ወኅሊፎ : ከዕበ : እምህዩ :
 ኦፅረፈ : ታሕተ : ጽላሎተ : ሥም : እንተ :
 ስማ : እውልዐ : ማገበር ፤ ወይእቲ : ምፅ
 ራፈ : ቅዱሳን : እስከ : ዩም ። ወሰገደ : ሥ
 ልሠ : ሰበ : ርእያ : ለቅድስት : መከነ : ዳ
 ሞ ። ወወሪደ : ከዕበ : በጽሐ : ኅበ : ጽ
 ንፈ : ፈለግ : ወመጽኦ : ኅቤሁ : ፅብኦ
 ሲ : ወይቤ : ምንገት : ውእቲ : ዝንቲ :
 ገብኤ : ወእለ : መኅ : እመንቲ : እሉ ። ወ
 ይቤልዎ : ዝንቲ : አቡሃ : እረጋዊ : እምነ :
 ቅዱሳን : እለ : ወፅኡ : እምሮም : ወእንዝ :
 ዮሃልፍ : እምሀገርሃ : ይፌውስ : ድውያነ :

ወያወዕኣ : ኣጋገገተ ፤ ወስግጊዖ : ውኡ
 ቱ : ወሬዛ : ገዐዩ : ውስተ : ቤተ : ወእም
 ጽኣ : ወልደ : ድውዩ : ጸዊር : በዐረተ : ወ
 ኣገበር : ታሕተ : ኣገሪሁ : ወይቤሎ : ፈው
 ስ : ለወልድዮ : ተግገፀገኩ : በጸሎተኩ : ኣ
 እባ ። ወይቤሎ : ኣቡኃ : ኣረጋዊ : ኣግዚኡ
 ኃ : ኣዩስስ : ክርስቶስ : ያገሥኣ : ወያሕ
 ይዎ ፤ ወሐይወ : ስቤሃ : ፊርጽ : በኣገሪሁ :
 ወሐረ : ምስሌሆሙ : ኣንዝ : ይዒግግር : ወ
 ዘገተ : ሰባ : ርኣዩ : ስብኣ : ሀገር : ኣን
 ከሩ : ወተደሙ : ኣስመ : ኣልባ : ዘርኣዩ :
 ቀዲሙ : ኣምሀገርሙ : ዘደፈውስ : ደ
 ውዳን : ወዘያወዕኣ : ኣጋገገተ ። ወበኣን
 ተዝ : ተፈሥሖ : ወገብሩ : ይባቤ : ኣስመ :
 ረከቡ : ዕንቄ : ባሕርይ : ክቡረ : ወኣያብ
 ሕዎ : ይሖራ : ኣምብዝኃ : ፍቅርሙ ።
 ወንስተተ : ኀልፎ : በጽሖ : ኀባ : ከዛ

ሕ : ኣገተ : ትስመይ : ምስገገ : ወበህዩ :
 ቀዊሞ : ነጸራ : ወርኣያ : ለቅድስት : መካ
 ኃ : ዳሞ : ወበላዕሌሃ : ለኀዲር : ኣደሞ :
 ወነደ : ልቡ : በፍቅራ ። ወበጽሖ : ፍጡ
 ኃ : ውስተ : ኣግዋሪሃ : ወርኣዩ : ኣገተ :
 ኀባ : የዐርግ : ወኣረከባ : ወዶደ : ኩለኃ
 ታሃ : ለይኣቲ : ደብር : ወኀዋኣ : ምዕራ
 ገ : ወይቤ : ኣስመ : ዛቲ : ይኣቲ : መፍ
 ቅድዮ : ከመ : ኣገበር : ኀቤሃ : ወኀጣኣኩ :
 ምዕራገ : ውስቲታ ። ወዘገተ : ብሂሎ : ሐ
 ረ : ኀባ : ክልኣ : ተያዋርገ : ዘምጡቅ : ደ
 ብሩ : ጸድፋኒ : ነዊኅ : ውኡቱ : ዘይብል
 ዎ : ስቀራ : ወረከባ : በህዩ : ንስቲተ :
 ኣንቀጸ : ሙባኣ : ወዐርገ : ዲቤሃ ። ወሰ
 ባ : በጽሖ : ጊዜ : ስርክ : ነሥኣ : ኣሐተ :
 ጸረቀ : ኀብስት : ባረክ : ላዕሌሃ : ወበል
 ዐ : ወኣያተረፈ ። ለቅዱስስ : ኣቡኃ : ኣረ

ጋዋ : ይቶሐዘበ : ልቡ : ከመ : ኢኮነት : እ
 ገቲአሁ : ወኢሠምረ : ቦቱ : እግዚአብሔ
 ር : ለኀዲር : ውስቲታ : ወቤተ : ነላ : ሐ
 ሊተ : እንዝ : ይገብር : ጸሎተ : በከመ :
 ያለምድ : እስመ : ትገህ : ውእቱ : ከመ :
 መላእክት : መበሳኒታ : ወረደ : ወሐረ :
 ገብ : ከልእ : ተያዋሮን : ኪያሁስ : በዐ
 ቅም : ጸድፉ : ዘይትበህል : ምንግርጋር :
 ወወዐለ : ዲቤሃ : እንዝ : ይገብር : ጸሎ
 ተ : እስከ : ስርክ : ወኤምጽአ : አሐተ :
 ጸረቀ : ጥብስት : ወባረክ : ወበልዐ : ወኢ
 ያተረፈ : ወእእመረ : ከመ : ኢኮነት : ክ
 ፍሉ : ኪያሃኒ : ወቤተ : ህዩ : ነላ : ሐሊ
 ተ : እንዝ : ይገብር : ጸሎተ : ወሶበ : ጸ
 ብሐ : ሐረ : ገብ : ደብር : ዘይሰመይ : መ
 ኃዝ : ወውእቱኒ : ጸድፍ : ከመ : ቀዳሚ :
 አናቅጽ : ቦቱ : ወሶበ : ኮነ : ጊዜ : ስር

ክ : ነሥአ : ጥብስተ : ባረክ : ወበልዐ : ወ
 ኢያተረፈ : ወአክ : እንበይነ : ምክንያ
 ተ : መብልዕ : ዘገብረ : ዘገተ : እስመ : ኢ
 ይበልዕ : ዘእንበላ : በኀመስ : ፅላት : ዳ
 እመ : ከመ : ይርአይ : ገብ : ይወርድ : በ
 ረከት : ወበህዩ : ከመ : ይረሳ : ማኅደ
 ሮ : እግዚአብሔርስ : ያእምር : ዘይገብ
 ር : ነሎ : ወዘይሁብ : ከመ : ትኩሩ : ም
 ፅራፈ : ለርስቱ : ዛቲ : ይእቲ : ደብረ : በ
 ረከት : መካነ : ዳሞ : ወወረደ : እምነሃ :
 ወይቤ : እትመዩዋ : ይእዜስ : ጎበ : ዘቀዲ
 መ : እስመ : አደመኒ : ገቤሃ : ለነቢር :
 እግዚአብሔርኒ : አምላኪያ : ይፈኑ : ሊ
 ተ : ረድኤተ : በዘከርግ : ባቲ : እስመ :
 ያእምር : ነሎ : ዘሰአል : ገቤሁ : ይገብር :
 ሎቱ : ወአኩዝ : ይሐር : ገብ : ደብረ : ዳ
 ሞ : ወእንዝ : ይለውር : ረከበ : አሐተ :

ጋዋ : ይታሐዘበ : ልቦ : ከመ : አኳነት : እ
 ንቲአሁ : ወኢሥምረ : ቦቱ : እግዚአብሔ
 ር : ለኅዲር : ውስቲታ : ወቤተ : ነላ : ሌ
 ሊተ : እንዘ : ይገባር : ጸሎተ : በከመ :
 ያለምድ : እከመ : ትገህ : ውእቱ : ከመ :
 መለእክት : ወበሳኒታ : ወረደ : ወሐረ :
 ጎበ : ከልእ : ተያጥርጎ : ከይሁስ : በዐ
 ቅም : ጸድፉ : ዘይታበሀል : ምንግርጋር :
 ወወዐለ : ዲቤሃ : እንዘ : ይገባር : ጸሎ
 ተ : እስከ : ስርከ : ወአምጽአ : አሐተ :
 ጸረቀ : ጎብስት : ወበረከ : ወበልዐ : ወኢ
 ያትረፈ : ወአክመረ : ከመ : አኳነት : ከ
 ፍሉ : ከያሃኒ : ወቤተ : ህዩ : ነላ : ሌሊ
 ተ : እንዘ : ይገባር : ጸሎተ : ወሶበ : ጸ
 ብሐ : ሐረ : ጎበ : ደብር : ዘይከመይ : መ
 ኃዝ : ወውእቲኒ : ጸድፍ : ከመ : ቀዳሚ :
 አናቅጽ : ቦቱ : ወሶበ : ኮነ : ጊዜ : ስር

ክ : ነሥአ : ጎብስት : ባረከ : ወበልዐ : ወ
 አያትረፈ : ወአከ : እንበይነ : ምክንያ
 ተ : መብልዕ : ዘገባረ : ዘንተ : እከመ : አ
 ይበልዕ : ዘእንበለ : በኅመስ : ዕለት : ዳ
 እመ : ከመ : ይርአይ : ጎበ : ይወርድ : በ
 ረከት : ወበህዩ : ከመ : ይረከ : ማኅደ
 ሮ : እግዚአብሔርስ : ያአምር : ዘይገባ
 ር : ነሎ : ወዘይሁቦ : ከመ : ትኩሩ : ም
 ዕራፈ : ለርስቱ : ዛቲ : ይእቲ : ደብረ : በ
 ረከት : መካነ : ዳሞ : ወወረደ : እምኔሃ :
 ወይቤ : እትመዩጥ : ይእዜስ : ጎበ : ዘቀዲ
 መ : እከመ : አደመኒ : ጎቤሃ : ለነቢር :
 እግዚአብሔርኒ : አምላክዬ : ይፈኑ : ሊ
 ተ : ረድኤተ : በዘአዐርግ : ባቲ : እከመ :
 ያአምር : ነሎ : ዘሰአለ : ጎቤሁ : ይገባር :
 ሎቱ : ወአኀዝ : ይሐር : ጎበ : ደብረ : ዳ
 ሞ : ወእንዘ : የሐውር : ረከበ : አሐተ :

ንቀዑተ፡ ከዑድሕ፡ እንተተ፡ ባተ፡ ማይ። ወ
 አንበረ፡ ሀየ፡ ለቅድስት፡ እድና፡ እመ፡
 ከመ፡ ትኩን፡ እመ፡ ለብዙኃት፡ መሃከ
 ስይይት፡ ። ወስመዪዋ፡ ለይእት፡ ማኅዶ
 ር፡ በአተ፡ ልም፤ ቤተ፡ እምየ፡ ብሂል።
 ወእንዘ፡ የሐውር፡ በጽሐ፡ ጎበ፡ ከዑድሕ፡
 ዙሉንኃሃ፡ ወአንበሩ፡ ሎቱ፡ መንጸፈ፡
 ከመ፡ ያዕርፍ፡ ንስተተ፡ ወከመ፡ ያርኤ፡
 ተአምረ፡ በትርኒ፡ አቀመ፡ ዲቤሃ፡ ወ
 ስበ፡ ተንሥኦ፡ እምኒሃ፡ እንሥኦ፡ ሎቱ፡
 መንጸፈ፡ ማትያስ፡ ወእለ፡ ምስሌሁ፡ ወ
 ከነት፡ ይእት፡ ከዑድሕ፡ በአምሳለ፡ ነኃ፡
 ወግድማ፡ ለይእት፡ መንጸፍ፡ ። ወእንዘ፡
 ጸዐዳ፡ ይእት፡ ከዑድሕ፡ አስተርአየት፡ ት
 ሥዒላ፡ በአምሳለ፡ ዘአንበሩ፡ ለዕሌሃ፡
 ከዋና፡ ቀይሐ፡ ። በትሩኒ፡ ጎበ፡ እንበ
 ሩ፡ አስተርአየ፡ ዕመቁ፡ ወእስከ፡ ይእዜ፡

ሀለወት፡ ለትእምርት፡ ወዙሉ፡ ዘበጽሐ፡
 ጎበሃ፡ ይትአምኃ፡ ከመ፡ እንተተ፡ ዝኅር፡
 በእንተ፡ ዕቡዩ፡ ወክብሩ፡ ለቅዱስ፡ ወ
 ለብዕዕ፡ ብእሌ፡ እግዚአብሔር፡ አቡነ፡
 አረጋዊ፤ ጸሎቱ፡ ወበረከቱ፡ ወትንብልና
 ሁ፡ የሀሉ፡ ምስሌነ፡ ለፃለመ፡ ግለም፡
 አሚን።

ወበጽሐ፡ ውስተ፡ እግረ፡ ሐብል፡
 ወነበረ፡ ታሕተሃ፡ እንዘ፡ ይትመሐለል፡
 ሠሉስ፡ መዋዕለ፡ ወሠሉስ፡ ለያልዩ፡ ወ
 መጽኦ፡ መልእክ፡ እግዚአብሔር፡ ቅዱ
 ስ፡ ሚካኤል፡ ወይቤሎ፡ ምንተነ፡ ያጽ
 ህቀከ፡ አቅዱስ፡ ለእግዚአብሔር፡ ወይ
 ቤሎ፡ አቡነ፡ አረጋዊ፡ እፈቅድ፡ እስር
 ር፡ ውስተ፡ ዛቲ፡ ደብር፡ ከመ፡ እትጋነ
 ይ፡ በእንተ፡ ንጢአትየ፡ ወእትማሕለል፡
 በእንተ፡ ጌጋይየ፡ ወይቤሎ፡ መልእክ፡

እግዚአብሔር : አክረጋዊ : ገብረ : እም
 ላክ : መናኔ : መንግሥት : ዘአፍቀርከ : ን
 ዴተ : እምብዕል : ምድረዊ : ተዝግበ :
 ላከ : መንግሥት : ዘበሰማያት : ህየንተ :
 ዘመንንከ : ዘምድር : ተላፊ : እንተሰ :
 ተዐገሥ : ንስቲተ : እስከ : ይፌት : ላከ :
 ረድኤተ : በዙተዐርግ :: ወዘንተ : ሰሚ
 ያ : ሐዘነ : ልቡ : ወደንገፀት : መንፈሱ :
 እስመ : ተሰልበ : ልቡ : በፍቅረ : ዘእሃ :
 ወፈቀደ : ይዕርግ : ፍጡነ : ጐህሃ :: እግ
 ዚአብሔርከ : ነዋሂ : መንፈሱ : አርመ
 መ : ከመ : ይርአይ : ጽንዐ : ትዕግሥቱ :
 ወኢያዕረን : ፍጡነ :: ወይቤ : አቡነ : እረ
 ጋዊ : ብፀግዊ : በምንትነ : አዐርግ : ለ
 ዝንቱ : ደብር : ዐቢይ : ወኢተውህቢ :
 ከንፍ : ከመ : ንስር : ወኢያመና : ከመ :
 ሐዋርያት : ወአስቆቀወ : ወበከየ : ብከ

የ : ዐቢይ : ወእምዝ : ከፅበ : መጽኦ : መ
 ልክከ : እግዚአብሔር : ጐህሁ : ዘውእ
 ቱ : ቅዱስ : ሚካኤል : ዘይሐውጸ : ወይ
 ናዝዝ : ወትረ : ከመ : አብ : ወእም : ወይቤ
 ሎ : ኢትፍራህ : ተውህበ : ላከ : ሥልጣን :
 ቢት : ወአዕርፍ : ንስቲተ : ውስተ : ዝ
 ቲ : በዐት : እንተ : ይእቲ : መንገሰ : የ
 ማነ : ሐብል : ወይፌት : ላከ : እግዚአብ
 ሔር : ተመነ : ዐቢይ : ህየንተ : ሐብል : ከ
 መ : ያዕርገ : ዘቆመ : ጳጳመት :: ወነበረ :
 መጠነ : ፩ ሱባፊ : እንዘ : ይትመሐለል : በ
 ጸም : ወበጸሎት : ወመጽኦ : ውእቱ : እ
 ሮዌ : ጊዜ : ፤ ሰዓት : ወይቤሎ : ሚካኤል :
 መልአክ : ቅረብ : እስመ : መጽኦ : ዘተ
 እዘዘ : ከመ : ያዕርገ : ውእቱ : ከይሱ :: ወ
 ቀርብ : ጐህሁ : ወርእዮ : ለከይሱ : ወይቤ
 ሎ : ብፀ-ፅ : አቡነ : ዘሚካኤል : አውርድ :

ዘነበከ : ወአዕርገኒ :: ውእቱስ : አይውረ
 ደ : ዘነበ : ፍጹመ : ጎበ : ሀሎ : አቡነ : አ
 ረጋዊ : ያእሙ : ጎበ : መገፈቀ : ጸድፍ :
 ሀሎ : ዘነበ :: ወይቤሎ : ውእቱ : ከይሲ :
 ለአቡነ : አረጋዊ : ምንት : ብከ : ውስ
 ቱ : ዛቲ : ደብር : ወተፍገሮ : በልሳነ :
 እንላ : እመሕያው : ወይቤ : ከማዕ : ከ
 መ : እንግርከ : አልበ : ምንት : ውስተ :
 ዛቲ : ደብር : ዘእንበላ : ያፍ : ዘይሰርሩ :
 ኢጥብስት : ወኢማይ : ዘትብቲ : ወኢፅ
 ፅ : ጎበ : ታጸልል : ታሕቲሃ : ዐሓይ : በ
 መግልት : ቍር : ወአከሐትያ : በልሊት :
 እሉ : እመንቲ : ጥፈታ : ለዛቲ : ደብር ::
 ወይቤሎ : አቡነ : አረጋዊ : አውርድ : ዘነ
 በከ : ወግበር : ዘተእዘዘከ : እከመ : እግ
 ዚአብሐር : አልበ : ዘያጥእነ : እምዘ :
 ፈቀድኅ :: ወዘንተ : ስበ : ይቤሎ : አውረ

ደ : ዘነበ : መግከአል : ሊቀ : መላእክት :
 ሀሎ : በዮማት : እኒዝ : ሰይፎ : ከመ : አ
 ይደንግፅ : ወከመ : አይግበር : ሕሡመ :
 በላዕልሁ : ውእቱ : አርዌ :: ማትያስስ : ረ
 ድኡ : ወአብያጸሁ : በዮማት : ሐብል : ሀ
 ለዉ : ይሬእዩ : ወያነክሩ : በከመ : ለኤ
 ልያስ : መጽኡ : አፍረስ : እሳት : ወስረገ
 ላ : እሳት : ወመሠጦ : ግብተ : እንዝ : ይኔ
 ጽፎ : ኤልሳዕ : ወከማሁ : አቡነ : አረጋ
 ዊ : እንዝ : ይኔጽርዎ : አርዳኢሁ :: ወ
 ዐተበ : ገጸ : በከመ : ሥላሴ : ዲበ : ጎ
 ፍቱ : ወዲበ : ከወድሕ : ወዲበ : አርዌ :
 ምድር : ወሰቤሃ : አንዝ : ዘነበ : ወአዕረገ :
 መወፀፎ : ላዕል : ወበጽሐ : ግብተ : ው
 ስተ : ድማሐ : ለደብር : ቅዱስ : ወስገደ :
 ሥልሳ : ወይቤ : ሃሌ : ሉያ : ለአብ : ሃ
 ሌ : ሉያ : ለወልድ : ሃሌ : ሉያ : ለመገፈ

ስ : ቀዳስ : ወበእንተዝ : ተብህላ : ደብረ :
 ሃሌ : ሉያ :: ተፈሥሐ : ወተሐሥዮ : ወገ
 ብረ : ይበሌ : በእንተ : ዘርገ : ዲበ : ደብ
 ር : ወፈጸመ : እግዚአብሔር : ተምኔቶ :
 እንተ : ስኣ : ሉተዲር : ወስተታ :: ወ
 ይኣተ : ደብር : ተመልእት : ብርሃነ : ዠ
 ለንታሃ : ወተወለጠ : እርእያሃ : ወተ
 ወስከ : ግርማ : ወዋግስ : ወከደነ : ላላ
 ሌሃ : ደመኖ : ብሩህ : መላእክተኒ : ተጸዐ
 ቁ : ከመ : መደብለ : ማኅበር : ጽፋቅ :
 ወኢያዕርዑ : ሐውጾታ : መግልተ : ወሌ
 ሊተ : ወከንዎ : አዕርከተ : ወአብያጸ ::
 ወሶበ : ኮነ : ጊዜ : ስርክ : ነሥኦ : ጸረቀ :
 ኅብስት : ወባረክ : ላላሌሃ : ወበልዑ : እስ
 ከ : ይከውን : መንፈቅ : ወጸግበ : በግማ
 ስ : ኅብስት : ወአኣኩቶ : ለእግዚአብሔ
 ር : እስመ : ርእዮ : ከመ : ወረደ : በረከ

ት : ላላሌሃ : ለይኣተ : መከን : እምከልኣ
 ኒሃ : አደብር : እለ : ሐረ : ቀዳመ : ገበሆን :
 ወእመንቱ : ኢኮነ : ርሐቃነ : አላ : ቅፋ
 ባን : መጠነ : ምስማዕ : እዝን : ወለይኣተ :
 ማማሰ : ኅብስት : ገብረ : በእምሳሊሃ : ፅፁ :
 ከመ : ትኩን : ትእምርተ : ለደኃሪ : ትው
 ልደ : ወእስከ : ይኢዜ : ሀለውት :: ወእርዳ
 ኢሁኒ : ገብሩ : መግርገ : እምፅፅ : በቀል
 ት : ነዋነ : በዘየርገ : ወይወርዱ :: አ
 ቡኅስ : እረጋዊ : ኢበልዑ : እምአማሃ :
 ምድራዊ : ኅብስተ : እስከ : አመ : ፍልስ
 ቱ : ወአፍቀራ : ለይኣተ : መከን : እስ
 መ : ረከበ : ምጥቅተ : እምደር :: እግረ :
 ዝተራረን : ዘኢይከይደዋ : ወኅያላን : በ
 ንዋዩ : ሐቅል : ዘኢይበጽሕዋ : ወአልበ :
 ዘይከል : ዐረገ : ገበሃ : ዘእንበለ : ኪ
 ያሁ : ዘፈቀደ :: ወበእንተዝ : ፈተወ : ኅ

ዲረ : ጎቤሃ : እስመ : መፍቀሬ : ጽውና :
 ውእቱ : ወይቤ : ዛቲ : ይእቱ : ምዕረፍዮ
 እስከ : እመ : ፍልስትዮ : እምኔሃ ።

ወእምድጎረ : ጎዳዋ : መዋዕል : ሞተ :
 ታዜና : ንጉሥ : ወነግሠ : ከሐብ : ንጉሥ :
 ህዩንቲሁ ። ወቅዱስስ : አቡነ : እረጋዊ :
 ገብረ : ንስቲተ : ማጎደረ ። በእምካል : ጸስ ።
 ወአንበረ : ውስቲታ : ታብተ : እንተ : ወፅ
 አት : ምስሐሁ : ወበእንተ : ቍርባኒኒ :
 ሐአል : ጎባ : እግዚአብሔር : ወተወከፈ :
 ስአለቶ : ፍጡነ : ወአውረዱ : ሎቱ : መላ
 እክት : እምስማይ : በዘይትገበር : መሥዋዕ
 ት : ወቍርባን : ጸሐል : ዘወርቅ : ወጽ
 ዋዐ : ዘብሩር : ወክዳናተ : ዘዲባጋት : ወ
 መሐባ : እንተ : ውስቲታ : ጎብስት : ምዉ
 ቅ : ወጽዋዐ : ዘይደሉ : ለምሥዋዕ ፤ ወለላ
 ሰናብት : ወበዓላት : ይትገበር : ሎመ : ወ

ነበረ : ከመዝ : እስከ : እንጸ : መቅደስ ።
 ለማጎደሩስ : ረከበ : ንስቲተ : በዐተ : ወነ
 በረ : ውስቲታ : እንዘ : ይገብር : ብዙነ :
 ጸሎታት ፤ ሌሊተ : እንዘ : እይነውም : ወ
 መዓልተ : እንዘ : ኢየዐርፍ : በብዙነ : ጸ
 ሎታት ። ወወዕክ : ስፍፍተ : ነገሩ : ውስ
 ተ : ተሉ : ብሔረ : ምሥራቅ : ወመጽኡ :
 ጎቤሁ : እል : በመ : ደዌ : ወእልሂ : እተ
 ዛነ : እጋንገት : ወይትፌወስ : በጎደል : ጸ
 ሎቱ : ወዩሐይዉ ። ለእመሂ : እንስት : ይ
 በጽሐ : ጎባ : ጉንደ : ደብር : ወይጸርጋ :
 ወይነግርዎ : በእንቲአሆን : ውእቲኒ : ይ
 ፌት : ፅእምእርዳኤሁ : ዘውእቱ : ማትያ
 ስ : ወይሁባ : ባሪከ : ማዮ : ጸሎት : ወይረ
 ቂ : ላዕሐሆን : ወዩሐይዋ : እምደዌሆን ።
 ወመጽኡ : ከዕባ : እል : ኢያእምርዎ : ለ
 እግዚአብሔር : እል : ይነብሩ : በምሥራቅ ፤

ኖሎተ፡ አጣሊ፡ እውጉተ፡ እለ፡ ርሐቃጉ፡
 እምሃይማኖት፡ ኢይዘርኡ፡ ወኢየእርሩ፡
 ዳእመ፡ በሐሊለ፡ እልሀምት፡ ወአባግዕ፡
 የሐይወ፡ ። ወለእመ፡ ቦ፡ ዘረከቡ፡ ዘቦ፡ እ
 ከል፡ ወአልባስ፡ በፍኖት፡ የሀይዱ፡ ወ
 ይገፍፀ፡ ወይቀትሉ፡ ነፍስ፡ ጌጽሕተ፡ ።
 እሉሂ፡ ሚጠመ፡ በኀይለ፡ ጸሎተ፡ ኀብ፡
 ሃይማኖት፡ ከርስቶስ፡ ወኮነ፡ ከርስተይ
 ነ፡ ወበርሃ፡ እልባበሆመ፡ በመገፈስ፡ ቀ
 ዱስ፡ ወኀደጉ፡ ሀይደ፡ ወቀተለ፡ ነፍስ፡
 ወነበሩ፡ በባገዋዮመ፡ ። ወተፈሥሐት፡ ነ፡
 ሉ፡ ሀገሮመ፡ እስመ፡ ብርሃን፡ ዐቢይ፡
 ሠረቀ፡ ላዕሐሆመ፡ ለእለ፡ ይነብሩ፡ ሕ
 ዝብ፡ ውስተ፡ ጽልመት፡ ወጽላሎተ፡ ሞ
 ት፡ ። በከመ፡ የሐንስ፡ ዘሰባስ፡ በገዳመ፡
 የርዳኖስ፡ ወይመጽኡ፡ ውስተ፡ ሞቀ
 ተ፡ ጽምሚት፡ ወከማሁ፡ ከፍ፡ ለምድረ፡

ምሥራቅ፡ ቅዱስ፡ አቡነ፡ አረጋዊ፡ ። ወቦ፡
 እለ፡ እምነ፡ በሰሚዐ፡ ስብከተ፡ ለአባ፡
 ሰላማ፡ ወመገፈቆመ፡ እለ፡ ኢእምነ፡
 ለእለሂ፡ እምነ፡ እጽጋዐ፡ ዘእሚኖቶመ፡
 ርትዕት፡ ወለእለ፡ ኢእምነ፡ ሚጠመ፡
 ውስተ፡ እሚነ፡ ከርስቶስ፡ ። አአባ፡ ከቡ
 ር፡ ቅሱም፡ በጼወ፡ መለኮት፡ ቀስምከ፡
 ለልከሕት፡ በጼወ፡ ታልከ፡ ወአጥዐምከ፡
 ለመፈራራ፡ ወለሕሥምት፡ አሠነይከ፡ ወ
 ከንከ፡ ሐዋርያ፡ ለኢትዮጵያ፡ ከመ፡ ጼ
 ጥርስ፡ ወጸውሎስ፡ ለሮምያ፡ ።
 ወአኀዘ፡ ቅዱስ፡ አቡነ፡ አረጋዊ፡ ይወ
 ሽከ፡ ወያፈደፍድ፡ ትሕርምተ፡ ወይጸ
 ውም፡ ወትረ፡ ወይዊስከ፡ ጸማ፡ በዲቦ፡
 ጸማ፡ ወትዕርዝተ፡ እንተ፡ ውስጥ፡ ልብ
 ስ፡ ሠቀ፡ ወእንተ፡ እፍኡ፡ ዘአዲም፡ ወእ
 ገሪሁ፡ ኢይትኩብ፡ ወውስተ፡ ማይ፡ ኢ

ይጠምምን : ወአልበ : ዘርእዮ : ፅሩቆ : እ
 ምአመ : ነሥኦ : እስኪማ : እስከ : አመ : ፈ
 ለሰ : ወኢይወፅእ : እምን : ማኅደሩ : ዘእ
 ንበለ : ለጊዜ : ትምህርት : ወበጊዜ : ትወ
 ፅእ : ነፍሰ : ቢጸ : ለቀቢር :: ወከመዝ :
 ሠርዐ : ርእሰ : ኢይፃእ : እማኅደሩ : በፅ
 ድኒ : አልበ : ዘይበውእ : ንቤሁ : ዘእንበ
 ለ : ማትያስ : ረድኦ : ይሐውጽ : እንተ :
 ጥፋት : ውእቱኒ : በእውረት : ፅልታት ::
 ወፅመከግን : ሐረ : ይመጽእ : ወትረ : ኅ
 ቤሁ : ለቅዱስ : አቡነ : እረጋዊ : ወያስተ
 በቀያ : ወያጽከበ : እስመ : በ : ወለት : እ
 ንተ : በቱ : ጋኒን : ወነበረ : ብዙነ : እንዘ :
 ይጋይጉድ : ጥፋቶ : ወእንዘ : ያስተበቀ
 ያ : ከመ : ይፃእ : ወይጸሊ : በእንተ : ወለ
 ቱ : ወአበዮ : እርኅዎተ : ወይቤሎ : እን
 ቱ : ብእሲ : ምንተ : ትጸርኅ : ንቤየ : እ


ነኒ : ስብእ : ከማከ : ወእመሰ : ተኦምን :
 በክርስቶስ : ዘኣነ : እመልከ : ሐር : ወ
 በከመ : ተኦምን : ጸሊ : ለእግዚአብሔር :
 ወይከውን : ለከ : በከመ : ተኦመንከ :: ወ
 ለቱስ : ውስተ : እግረ : ደብር : ሀለወት :
 ወኦምን : ውእቱኒ : ሰማያ : ክርስቶስነ :
 ወነሥኦ : ወለቶ : ወሐረ : ወኅደጋ : ጋኒን ::
 ውብዙነ : በፅደኒ : ንብረ : እግዚአብሔ
 ር : በእደዊሁ : ተኦምረ ::
 ወደእተ : እማረ : ለእከ : ንቤሁ : ከሌ
 ብ : ንጉሥ : እንዘ : ይብል : ከመዝ : እስመ :
 ተደሎኩ : ከመ : እሐር : እጽባእ : ፀረ :
 እግዚአብሔር : እለ : እማሰነ : ቤተ : ከ
 ርስቲያን : ወከፀዉ : ደዋሙ : ለሐብእ : ና
 ግረን : ዝንቱ : እረማዊ : ዘከመ : ፊንሐ
 ስ : እስመ : ለእከ : ንቤየ : ጢሞቴዎስ :
 ሊቀ : ጳጳሳት : እንዘ : ይብል : ተበቀል : በ

እጉተ፡ ደሞመ፡ ለሰማዕታት፡ ስብእ ፡ ና
 ግረጌ፡ እጉተኒ፡ እስባ፡ ግበር፡ ጸሎተ፡
 እስመ፡ ጸሎተ፡ ጸድቅ፡ ትክል፡ ወታሠል
 ጥ። ወአውሥእ፡ አቡነ፡ እረጋዊ፡ ወይቤ
 ሎ፡ ለላእከ፡ ገጉሥ፡ ሐር፡ በስላም፡ ወያግ
 ርር፡ ፀረከ፡ ወጸላእተከ፡ ወያግብአመ፡ እ
 ግዚእብሐር፡ ውስተ፡ እጾዊከ፡ ወለከ
 ሂ፡ የሀብከ፡ ሞገስ፡ ወግርማ፡ ወያግብእ
 ከ፡ በዳኅኖ፡ ወበስላም፡ ወከሌብስ፡ ጸድ
 ቅ፡ ገጉሥ፡ ውእቱ፡ ወአልበ፡ እምኔሁ፡
 እምነገሥታት፡ ዘይገብር፡ ተእምረ፡ ወመ
 ንከረ፡ እንዘ፡ ሀሎ፡ በከብረ፡ መንግሥ
 ቱ፡ ወሰበ፡ ፀላዉ፡ ስብእ፡ በር፡ እርገ
 ወ፡ ሎቱ፡ እግዚእብሐር፡ ከርሠ፡ ምድር፡
 ከመ፡ እጼርአይዎ፡ እንዘ፡ ይማርድ፡ ወ
 እጼጉዩዩ፡ እምኔሁ፡ ወእጼምሥጡ፡
 ወዩአክል፡ መጠነ፡ ምሕዋረ፡ ፫፡ ፅል

ታት፡ ለኅያል፡ ረዋጺ፡ ወበእ፡ እጉተ፡
 ብባ፡ እርኅወ፡ ሎቱ፡ እግዚእብሐር፡ ወ
 ግብተ፡ በጸሐ፡ ሠረምመ፡ ወእጼያትረ
 ፈ፡ ፩ እምኔህመ፡ ወአግብእ፡ ለሀገር፡
 ውስተ፡ እጾዊሁ፡ ወእስከ፡ ዩም፡ ሀለወ፡
 እጉተ፡ ብባ፡ በእ፡ ወእጉተኒ፡ ብባ፡ ወፅኦ፡
 ከዊኖ፡ ጸፍጸፈ፡ እብን፡ ወሐረ፡ ከመ፡
 ይጸባእ፡ ወበጽሐ፡ ሀገረ፡ ሳባ፡ ወተጸብ
 እ፡ ምስል፡ ውእቱ፡ እረማዊ፡ ወጸንዐ፡
 ቀትል፡ በኅቤህመ፡ በኅይል፡ ጸሎቱ፡ ለ
 ጸድቅ፡ ገጉሥ፡ ወጸሎተ፡ እሉ፡ ቅዱሳ
 ን፡ እል፡ ተእመኅ፡ በጸሎቶመ፡ ወሞእ፡
 ወቀተል፡ ነሎ፡ ፀር፡ ወእጼያትረፈ፡ ዐ
 ቢያ፡ ወንኡሰ፡ እምብሐረ፡ ሳባ፡ ወቀተ
 ሎ፡ ለፊንሐከ፡ ንጉሠ፡ ሳባ፡ ጸላኤ፡ ከ
 ርከቶከ፡ ወተፈሥሐ፡ ከሌብ፡ ወእክሎቶ፡
 ለእግዚእብሐር፡ ወሐነጸ፡ ቤተ፡ ክርስቲ

ያን : በሀገረ : ናግራን : እንተ : አመዝበ
 ራ : ዐላዊ : ክርስቶስ : ወወሀባ : ሕዳሃ :
 ዘማሀረከ : ሁሉ : እምብሔረ : ሳባ :: ወገ
 ብኣ : በተፍሥሕት : ወበሐሣት : ለኣከሱ
 ም :: ወኣብኣ : ውስተ : ቤተ : መንግሥ
 ቱ : ኣላ : ሐረ : ጽምሚተ : ትዲነ : መን
 ግሥቶ : ወከብሮ :: ወበኣ : ጎበ : ኣባ : ጵ
 ንጠሌዎን : ወይቤሎ : ኣልብሰነ : ኣልባ
 ስ : ኣስኬማ :: ወኣልበሶ : ሰባ :: መንግ
 ሥቶኒ : ወሀባ : ለገብረ : መስቀል : ወልዱ :
 ወለኣከ : ጎበ : ኣቡን : ኣረጋዊ : እንዘ :
 ይብል : እግዚአብሔር : በጸሎትከ : ኣ
 ግብኣኒ : ወለበስሱ : ኣስኬማ : ዘክርስቶ
 ስ :: ጸሊ : በእንተኣየ : ከመ : ያክሀለኒ : ፈ
 ጽሞ :: ወተፈሥሐ : ኣቡን : ኣረጋዊ : ወ
 ይቤሎ : ለለኣከ : እንተ : ትኔይሱ : ገበር
 ከ : እግዚአብሔር : ይፈጽም : ለከ : ሁ

ሎ : ፈቃደክ :: ወዘንተ : ስሚያ : ሐረ :
 እምኔሁ ::
 ወነግሠ : ገብረ : መስቀል : ወነባረ :
 ዲባ : መንግሥቱ : ወበ ጳጳሳመተ : መን
 ግሥቱ : ለባዚን : ተወልደ : ክርስቶስ : ወ
 እምባዚን : እስከ : ኣብርሃ : ወኣጽብሐ : ሰ
 ብኣ : ክርስትና : ኮነ : ገወህነግሥት : ወ
 ዓመተ : ሕይወቶሙ : ኮነ : ጳጳሳመተ ::
 ወእምኣብርሃ : ወኣጽብሐ : እስከ : ገ
 ብረ : መስቀል : ህወመዋፅላ : ሕይወቶ
 ሙ : ከኖ : ጳጳሳመተ : ወኮነ : ሁሉ : ድ
 ሙረ : ሆኖ ወጸወጸ :: ወነግሠ : ገብረ : መ
 ስቀል : በጽድቅ : ወርቅታ : ወተስምዐ :
 መንግሥቱ : ውስተ : ሁሉ : ምድረ : ኣ
 ዚባ : ወኣልባ : ዘተቃወማ : ለመንግሥቱ :
 ዋኣልባ : ዘገባ : ይወፅኣ : ለጸብኣ : ዘኣ
 ንበላ : ለሐኒጸ : ኣብያተ : ክርስቲያናት :



እስመ : ነግሠ : በዘመነ : ስላም ። ወቅዱስ
 ስ : አቡነ : አረጋዊ : ለባ : ርእዩ : ብዙ
 ኃነ : እለ : ይመጽኑ : ገቢሁ : ወያጽህቅ
 ም : ወኢዮነድግም : ከመ : ይታባሉትው :
 ለጸሎት : ወለጽሙና : ፈቀደ : ከመ : ይታ
 ገባእ : እግዚአብሔርስ : ኢየርሐቆ : ወ
 ኢያብሐ : ይሐር : ፈቂዶ : ከመ : ይኩ
 ን : ለከንጸ : ዚእነ : ወለከንጸ : ባፅዳ
 ን : እለ : እምድሃሪነ : ወእእማሮ : ከመ :
 ብዙነ : ፍሬ : ይፈረ : በውስቴታ : ብዙ
 ኃን : እለ : ጽሑፋን : በመንግሥተ : ሰማ
 ያት : ከመ : ከዋክብተ : ሰማይ : ወከመ :
 ጥፃ : ባሕር : ገያላን : ሰብእ : እለ : ይ
 ፌውሱ : ድዉያነ : ወያነሥኑ : ሙታነ :
 በከመ : ይቤ : በወንጌል : ኢትክል : ተከብ
 ዶ : ሀገር : እንተ : መልዕልተ : ደብር :
 ትነብር : ወኢያነትዉ : ማገዶተ : ከመ :

ያንብርዋ : ታሕተ : ከፈር : ዘእንባለ : ከ
 መ : ያንብርዋ : ዲባ : ተቀዋማ : ወታብር
 ህ : ለክሉ ። ወበእንተዝ : ኢተክህሎ :
 ተገብአ : እምሰባእ : ወተዐውቀ : በገባ :
 ነገሥተ : ወበገባ : ጳጳሳት : ወበገባ : ዐ
 ቢዶ : ወንኡስ ። ወሶባ : ርእዩ : ከመ :
 ኢተክህሎ : ተከብዶ : እስተጋብአ : ገሊና
 ሁ : ወሚጠ : ልባ : ውስተ : ምኒቱ : ወኡገ
 ዘ : ዶጸሊ : በከመ : ያለምድ : ወኢተሀ
 ውከ ። ወይመጽኑ : ብዙኃን : ድዉያን :
 ወይፌውሶሙ : ለእለሂ : ድዉያነ : ነፍ
 ስ : እለ : ነባሩ : በማእሰረ : ኃጢአት :
 ዶጸሊ : በእንተክህሮ : ወይመይጠሙ :
 ገባ : ንስሐ : ወይገብሩ : ጽድቀ : ወዩሐ
 ይዉ ።
 ወበዓመተ : ነግሠ : ገብረ : መስቀል :
 መጽኑ : ገቢሁ : ለአቡነ : አረጋዊ : እ

ንዝ : ሀላወ : ውስተ : በዐቱ : ከመ : ይብር
 ክ : መንግሥቶ : ወከመ : ይፈጽም : ጸ
 ሀቆ : በእንተ : እንጸ : መቅደስ :: ወበጽ
 ሐ : ናጠነ : ደብረ : ጳው : ወኅደገ : ሠራ
 ዊቶ : ታሕተ : ደብር : ወዐርገ : በሕቲቶ :
 ምስለ : እሊአሠ : ግብ : ቅዱስ : አቡነ :
 አረጋዊ : ወስገደ : ሎቱ : ታሕተ : እገረ
 ሁ : ውተአምሩ : በአምኃ : መንፈሳዊት :
 ወአስተብቀሩ : ወይቤሎ : ባርከኒ : አኣ
 ባ : ከያየ : ወመንግሥትየ : ወከሎ :
 ሠራዊትየ :: ወአውሥኣ : ቅዱስ : አረጋ
 ዊ : ወይቤሎ : እግዚአብሔር : ይባርክ :
 መንግሥተክ : በከመ : ባረክ : መንግሥተ :
 ጳዊት : ወሰሎሞን : እምሔውክ : ወከ
 መ : ባረክ : መንግሥተ : ክሉብ : አቡክ :
 ወያጊነ : መዋዕሊክ : ወይዕቀብ : ሠራዊተ
 ክ : ወያግርር : ዐረክ : ወጸላእተክ : ታሕተ :

እገረክ : ወከን : ዘተኔሊ : ለአብያተ :
 ክርስቲያናት : ለዕቤር : ወለእንላ : ማው
 ታ :: ወአትሐተ : ርአሐ : ገብረ : መስቀ
 ል : ወይቤ : አሜን : ለይከን :: ወነበሩ :
 ግብረ : እንዘ : ይምዕዶ : በዘይጸንዕ : መን
 ግሥቶ : ወበዘይመውእ : ፀሮ :: ወይቤ
 ሎ : ገብረ : መስቀል : አአቡየ : ግብ : አይ
 ቱ : መከን : ዘአሐንጽ : ቤተ : ክርስቲያን :
 አርአየኒ : እስኩ :: ውተንሥኣ : ሐቤሃ : ወ
 አርአየ : ግብ : የሐንጽ :: ወሐቤሃ : አዘዘ :
 ንጉሥ : ዕደወ : ግደላነ : እላ : ይገዝመ :
 ዕፀወ : ወእላ : ያስተጋብኡ : እእባነ : ውግ
 ሠሠ : ዕደወ : ጠቢባነ : ወለባውያነ : እ
 ላ : የአምሩ : ሐኒጸ : ወአያደ : ዐዋዴ : ለ
 ኩሉ : ብሔረ : ምሥራቅ : ከመ : ይጸሩ :
 ዕፀወ : ወእባነ : ወመሩተ : ዘርሐቅ : ወ
 ዘቀሩብ :: ወከዕባ : አዘዘ : ከመ : ይግባሩ :

መንኲራዙራተ፡ ስረገላት፡ ከመ፡ መፃር
 ጋተ፡ ጽርሕ፡ በዕመ፡ ወበእብን፡ ወዩአ
 ክል፡ ግድመ፡ ፺ በእመት፡ በዘየዐርጉ፡
 ቦቱ፡ ስብእ፡ ወእንስሳ፡ ጸዋር፡ ዕመ፡
 ወእብን፡ ወማዩ፡ ወሐነጸ፡ በክብር፡ በብ
 ዙጎ፡ ትጋህ፡ ዘመንክር፡ ርእዮቱ፡ ወዘያ
 ስተፈሥኸ፡ ኅሊና፡ ወይሰልብ፡ አልብ
 ባ፡ ወተፈጸመ፡ ሕንጻታ፡ በ ፻ ፃመ
 ት፡ እምዘ፡ ነግሠ፡ ወወሀባ፡ ሕፃነ፡ አል
 ባስ፡ ቀጠንተ፡ ወጸኸል፡ ዘወርቅ፡ ወዘብ
 ሩር፡ ወጽዋግተኒ፡ ዘወርቅ፡ ወዘብሩር፡
 ወወሀባ፡ መስቀል፡ ፺ ወ፻፡ ዘወርቅ፡ ወዘ
 ብሩር፡ ወወሀባ፡ ወንጌላተ፡ ለቢጦ፡ በ
 ወርቅ፡ ወበብሩር፡ ወመልእክተ፡ ጳውሎ
 ስ፡ ወመልእክተ፡ ሐዋርያት፡ ዘወርቅ፡
 ወዘብሩር፡ ወመንጠዋልዐሂ፡ ነሎ፡ በ
 ቢሮዐቱ፡ ፡ እክብራ፡ ወአዕባይ፡ እስ

መ፡ ቀዳሚት፡ ይእቲ፡ ወአልባ፡ ዘአቀዶ
 መ፡ ሐሂጾተ፡ ዘእንባሌሃ፡ እምአብያተ፡
 ክርስቲያን፡ ዘእንባሌ፡ አክሱም፡ እሞን፡
 ለአህጉር፡ ወወሀባ፡ ነሎ፡ ዘኣኩዝ፡ ቤ
 ተ፡ መንግሥት፡ ወአምጽኦ፡ ጳጳስ፡ ወ
 ቀደሳ፡ ወተተማ፡ በቅብኦ፡ ማርጌ፡ ወ
 አብኦ፡ ወስቲታ፡ ታቦተ፡ ዘአምጽኦ፡ ም
 ስሌሁ፡ ማኅበረ፡ በኩር፡ ወታቦተኒ፡ ዘ
 ወሀባ፡ ንጉሥ፡ ወላውኦቲኒ፡ ማኅበረ፡ በ
 ኩር፡ ለቢጦ፡ በወርቅ፡ ወበብሩር፡ ወታቦ
 ቲኒ፡ ዘእግዛእትነ፡ ማርያም፡ አሠርጊዎ፡
 ምስሌሁ፡ ወአስተብቀዕዎ፡ ለቀዳስ፡ አ
 ቦኅ፡ እረጋዊ፡ ከመ፡ ይቀድስ፡ ቍርባ፡
 ንጉሥነ፡ ወጳጳስኒ፡ ወኦቲቱስ፡ አቦነ፡
 እረጋዊ፡ የዋሀ፡ ልብ፡ ወርኅኅ፡ ኅሊና፡
 አህ፡ ይቤሎሙ፡ ወሰቤሃ፡ ቦኦ፡ ከመ፡
 ይቀድስ፡ ቍርባ፡ ወአውረዱ፡ ሎቱ፡

ልብስ : ቀድሳት : እምስማይ : ጎብስተ :
 ወጽዋዐ : ወዡሎ : ሥሩዐ : በዘይደሉ ።
 ወወረደ : መገፈስ : ቅዱስ : ላዕል : ቀረፎ
 ባን : እንዘ : ይሬእይም : ከሠተ : ወተ
 ቁረቡ : ንጉሥ : ወጸጸስ : ወዡሎም : ሕ
 ዝብ : እል : ሀላዉ : አማሃ ። ወወሀብ :
 እግዚአብሔር : ኪዳነ : ከሙ : ይኩንም :
 ዓስራተ : እል : ተቁረቡ : በእደሀ : ለአቡ
 ነ : እረጋዊ : ወአልቦ : ዘአእመረ : ዘእንቦ
 ለ : ባሕተቱ ። ወወዓአ : ንጉሥ : ገብረ :
 መስቀል : አስተጋብአ : ነዳያነ : ወምስኪ
 ናነ : ወዡሎ : ዐቢይተ : መንግሥቱ : እ
 ለ : ሀላዉ : ውስተ : ደብር : ወእል : ታ
 ሕተ : ደብር : ወገብረ : ዐቢይ : በኃል : በ
 አጽግቦ : ርጉባን : ወበአልብስ : ዕሩቃን :
 በእንተ : ቅዳሴሃ : ለቅድስት : ቤተ : ክር
 ስቲያን ። ወቤተ : ይአተ : ሌሊተ : ህየ ።

ወበጽባሕ : ተከዩደ : ኪዳነ : ከሙ : አይኅ
 ድጎ : አብዋቱ : ወአብሕይወቱ : በጊ
 ዜ : ጸሎቱ ። ወአትሐተ : ርእሰ : ንጉሥ :
 ገብረ : መስቀል : ወይቤሎ : አባ : ባርከኒ :
 ወአስተፋንወኒ ፤ ወአዝ : ርእሰ : ቅዱስ :
 አቡን : እረጋዊ : በእደዊሁ : ቡሩካት : ወ
 ባረከ : ላዕሌሁ : እንዘ : ይብል : በረከተ :
 ነቢያት : ወሐዋርያት : በረከተ : ጸድቃን :
 ወሰማዕት : ወበረከተ : እግዝአትነ : ማር
 ያም : ይባርክ : ላዕሌከ : ወኩን : ግሩመ :
 እምነ : ነገሥተ : ምድር : ወይጸሐፍ : ስ
 ምክ : በመንግሥተ : ሰማያት ፤ ወይቤ :
 አማኒ : ለይኩን ። ወበረከ : ላዕል : ሕዝብ
 ኒ : አንጾሮ : እደዊሁ : ወይቤሉ : አማ
 ን ። ወእንዘ : ይወርድ : ንጉሥ : እምደብ
 ር : ይቤሎ : ለአቡን : እረጋዊ : እኅድግኑ :
 ዘንተ : መዓርገ : ወማመ : እደምስሰኑ ።

ወአውሥኦ : አቡኅ : አረጋግ : ወይቤሎ :
 ደምስስ : ኪያሁስ : ወኢትኅደግ ። ወግ
 ቦር : ሐብላ : ህየንቲሁ : ለአርፄ : ምድር :
 በዘደርጉ : ቦቱ : ከመ : ይኩን : ተዝ
 ካረ : ለትውልድ : ትውልድ : ወከመ : ይ
 ሐባሕ : እግዚአብሔር : በኦፈ : ነሉ : ዘ
 ርአዩ : ዝንተ : ተኣምረ ። ወእምድኅረ : ወ
 ረደ : ደምስስ : ውኣተ : መዓርገ : ወገብ
 ረ : ሐብላ : በከመ : አዘዘ : አቡኅ : ወበ
 እንተዝ : ተብህላ : ደብረ : ዳከምሞ ፤
 ወሐረ : ንጉሥ : በሰላም : ፍኖቶ ። ወመ
 ጽኡ : ገቤሁ : እምብሔረ : ምሥራቅ :
 ብዙኃን : ሐብኦ : ከመ : ያልብሰሙ : አስ
 ኮማ : ቅድስተ : ሰማያም : ዜና : ጊሩ
 ቱ ። በ : እላ : ገደጉ : አንስተያህሙ : ወበ :
 እላ : ገደጉ : ክብሮሙ : ወብዕሎሙ : ወ
 በሂ : ደቂቅ : እላ : ይፈቅዱ : ይተመሀሩ :

ገዲገሙ : አውስበ : ከመ : ይኩኑ : መ
 ነከተ ። ወመሀሮሙ : ግብረ : ምንዙስ
 ና : ከመ : ይቀቡ : ሃይማኖተ : ወይንብ
 ሩ : በንጽሕና : ወአመከሮሙ : በከመ :
 ይደሉ : በብዙኅ : ተግዛድ : ወእምዝ :
 አልበሰሙ : አልባስ : ምንዙስና ። ወሀላ
 ወት : አሐተ : ፈላግ : በታሕተ : ደብር :
 እንተ : ትወፅእ : እምኮዙሕ : ወነሉ :
 ዘይፈቅድ : ይመንዙስ : ይወስድም : ገብ :
 ይኣቲ : ማይ : ወያጠምቅም : እምኔሃ : ወ
 ያዐርግም : ውስተ : ደብር : ወያላብስም :
 አልባስ : ምንዙስና : ወትከመይ : ይኣቲ :
 ማዩ : ምርቃይ : ወእስከ : ይኣዜ : ሀላወት :
 ትከመይ : ኪያሃ ። ለቅዱስስ : አቡኅ : አረ
 ጋግ : ወፅኦ : ስሙዓተ : ነገሩ : ውስተ : ነ
 ሉ : አጽናፈ : ግለም : ወመጽኡ : እምሥ
 ራቅ : ወእምፅራብ : እምሰማን : ወእምደ

በብ : ወለለጽባሕ : ይገብኩ : ወበዝ
 ጉ : መንከሳት : ፈደፋደ : ወይምህሮመ :
 ፍቅረ : ወትሕትና : ጸመ : ወጸሎተ : ስጊ
 ደ : ወትጋሀ : ከመ : መላእክት : መግልተ :
 ወሌሊተ : በከመ : ያለምድ : ውእቱ :: ው
 እቶመኒ : ይትቁከፋ : ምህሮቶ : ወይተል
 ወ : ኪያሁ : ወበ : እምኔሆመ : እለ : የ
 አምሩ : ጽሐፈ : ወበ : እለ : ይስፍዩ : ለ
 ግባረ : ደብተራ : ወበ : እለ : የአምሩ : ኪ
 ነ : ወተግባረ : ወበ : እለ : ይተለእኩ :
 ለግባረ : ማኅበር :: አረጋግሶ : አቡነ :
 ሶበ : ርእዩ : ዘገተ : እንዘ : ይፀዕቅ : ሰብ
 እ : ገቢሁ : ወይቤ : ሐሰ : ሊተ : እግዚ
 አ : አትግበር : ዘገተ : እስመ : ወፃእኩ :
 እምሀገርዩ : ከመ : እኩን : ፈላሴ : ወነግ
 ደ : አፍቂርዩ : ጽመና : ወብሕትውና :
 ወሁሉ : ሰብእ : ይፀዕቅ : ገቢዩ : ወአ

የኅድገኒ : እትብሐተው :: ወእምዝ : መ
 ጽእ : ቃል : እምሰማይ : ዘይብል : አእ
 ረጋዊ : አታንግርግር : በእንተዝ : እስ
 መ : እንበይነዝ : ተጸዋዕከ : ከመ : ትኩ
 ን : አበ : ብዙኃን : መመርሐ : ዐዋው
 ርተ : ከመ : ጴጥሮስ : ርእሰ : ሐዋርያት ::
 ወእምዝ : እርመመ : ወወስከ : ፈሪሆቶ :
 ለእግዚአብሔር : ወፈደፋደ : ይተዐቀ
 ብ : ልቡ : በከመ : ጽሐፍ : እስመ : ጥ
 ቀ : ያነከር : ግብሮ : ለክርስቶስ : አከ : ከ
 መ : በሕቲቶ : እንተ : ታስተርእ : ትእ
 ርምተ : ዘፀዕቅብ : አላ : ግዲ : ግእዘ
 ኒ : ይጽህቅ : ከመ : በእነ : እግዚአብ
 ሔር : ይቁም : ፍጹመ : አንጸሐ : ርእሶ :
 እንዘ : ይሴፎ : እንተ : ተዐቢ : ተስፋ :
 እንተ : ጽንሕት : በሰማያት :: ወእምዝ :
 አካዝ : ያንብብ : መጸሕፍተ : ወይፈክር :

ሎሙ : እንዘ : ያጸነግል : ከመ : ካሉ : ይ
 ከማዕ : ዘለል፤ እምውስቲቶን : ወይዕቀብ :
 ትሕትና : ወዩውሀተ : ወእማነ : በከ
 መ : ይቤ : እግዚእነ : እእምኒ : እምኔዩ :
 ከመ : የዋህ : እነ : ወትሐት : ልብዩ ::
 እስመ : ዘንተ : ተመሀርነ : እምአበው :
 ቀደምት : እምአለ : የሐይወት : ምስሌሁ :
 ብዙነ : መዋዕል :: እስመ : ካሉ : ዘሰማ
 ዕነ : አንክል : ጽሐፈ : እምነበ : ማትያ
 ከ : ወዩሴፍ : አርያአሁ : አላ : መንፈ
 ቆ : ዘተክሀለነ :: መመጽኦ : ከልኦትኒ :
 ደናግል : ተዲነን : እለ : ፈተርዎን :
 ወአቢዮን : አውስበ : አናቂሮን : ከመ :
 ይንበራ : በድንግልናሆን : በእንተ : ከ
 ርከቶስ : ወይኩና : መንከሳይያተ :: ወፈ
 ነወ : ፩ እምደቂቁ : ዘስመ : ጴጥሮ
 ከ : ሠናይ : ወአረጋዊ : ወእቲ : ከመ :

ይምሀርን : ወይልብሶን : አልባስ : ምንኩ
 ስና : ወእምነ : አልባሶን : ወአወፈዮ
 ን : ለእሙ : እድና : ቅድስት : ከመ : ትዕ
 ቀባን : በሥርዐተ : ምንኩስና : ወነበራ :
 ጥራ : ምስሌሃ : በጾም : ወበጸሎት : በ
 ጽሙና : ወበየውሀት : ብዙነ : መዋዕል ::
 ወሞተት : እሙ : እድና : ቅድስት : ፈ
 ጼማ : ጸሀቃ : በሠናይ : ርሥእና : ከዊና : መ
 ሥመሪተ : ለእግዚአብሔር : ወወዕኦት :
 ነፍሳ : እመ፡፬ : ለወርተ : ጥር : ወወደያ :
 ፩ ስንዳነ : ላዕሌሃ : ወጸራሃ : ወአብጽኦሃ :
 ታሕተ : ሐብል : መመጽኦ : ቅዱሳን :
 ወተቀበልዋ : ወአዕረግዋ : ወአብጽኦ
 ዋ : ጎበ : ሀሎ : አቡነ : ቅዱስ : ዘሚካኤ
 ል :: ወሶበ : ርእያ : ለእሙ : ሐቀኗ : ወ
 ሰዐማ : ወይቤ : ከብሐት : ለእግዚአብ
 ሔር : ዘአርተዐ : ፍኖታ : ወፈጸመ : ጸሀ

ቀ : ንግድታ : ለእምዩ :: ወገነዝ : በሐሚል
 ት : ዘመነከሳት : ወተግሁ : እኅው : መነ
 ከሳት : በመዝሙር : ወበጸሎት : እንዝ :
 ይበከዩ : ብከዩ : መረረ : ተዝኪሮሙ : ንግ
 ድታ : ወፍልሰታ : መረኛ : ብዕል : ወመን
 ግሥት : ወቀበርዋ : ውስተ : ዝኅር : ሐ
 ዲስ : ዘላውቀረ : እቡነ : እረጋዊ : ከመ :
 ይኩን : ለመታብረ : እመ :: እስመ : ከመ
 ዝ : ሥርዐቶሙ : ለምኒት : እቡነ : ጳጳሚ
 ስ ፤ ለእመ : ሞተት : አሐቲ : እመነከሳ
 ይያት : እል : ይነብራ : ማዕደተ : ተከዚ :
 ያመጽእሃ : ኅበ : እኅው : መነከሳት : ወ
 ይትቁበልዋ : ወይቀብርዋ : ውስተ : ዝኅር
 ሙ ፤ ጸሎታ : ወበረከታ : ወሀብተ : ረድ
 ኤታ : ይዕቀበሙ : ወይትማስዐኖ ሙ : ለኩ
 ሎሙ : ክርስቲያን : እሚን :: ::
 ወበውእቲ : መዋዕል : ሀለው : ያፌድ :

ቀሲስ : ዘኡብርሃ : ለኢትዮጵያ : በማክሐ
 ተ : ሀሌ : ሉያ : ዘተምህረ : እምኅበ : መ
 ላእክት ፤ እስመ : ነበረ : ቀዲሙ : ምስል :
 ቅዱሳን : በአክሱም : እንበል : ይትወሀ
 ብ : ሎቲ : ረድኤት : እንዝ : ይስኧል :
 ቃለ : እግዚአብሔር : በእስተሐምሞ : ብ
 ዙኅ :: ወበመዋዕሊሁ : ለኅብረ : መስቀ
 ል : ንጉሥ : ተከሥተ : ሎቲ : ቃለ : እግ
 ዚአብሔር : እስከ : ያእምር : ንቃው : ያ
 ፍ : ወእንስከ : ከመ : ይኅብብ : ሐዲስ :
 ውብሉዩ : ተምሂሮ : ጾታ : እምኅበ : መ
 ላእክት : ወአስተካልሐ : ደቂቃ : ለም
 ድረ : አዚብ : በዚማ : ሐዲስ : ወዘስም
 ዐ : እምቃሉ : እንዝ : ይነብብ : ቃለ : መ
 ዝሙር : ይመሥረ : ኅሊኖሁ : ወይሰል
 ብ : ልቡኖሁ ፤ እመኅሚ : ይረስዕ : እ
 ማሞ : ሕዙንኒ : ይረስዕ : ሐዘኖ :: እ

ስመ : ተውሀበ : ስብሐተ : መላእክት : በ
 ዲበ : ምድር ። ወበእንተዝ : ተፈሥሑ :
 ንጉሥ : ወጳጳስ : ወኸሎሙ : አብያተ :
 ክርስቲያናት : ዘኢትዮጵያ : ስሚያሙ :
 ጸታሁ : ለያሬድ : እስመ : ረከቡ : ሐዲ
 ስ : ትምህርተ : ዘይኬልሕ : በቃለ : መ
 ዝሙር : ዘኢስምዑ : ቀዲሙ ። ወበእ
 ንተዝ : አክበርዎ : ወአፍቀርዎ : ፈድ
 ፋደ : ንጉሥኒ : ወጳጳስ : ወኸሎሙ : ሕ
 ዝብ ። ወአሚሃ : ይኣተ : አሚረ : መጽ
 አ : ያሬድ : ቀሲስ : ከመ : የሐውጸ : ለአ
 ቡኃ : አረጋዊ : ወከመ : ይርአይ : ቤተ :
 ክርስቲያን : ዘሐሃጸ : ገብረ : መስቀል : ወ
 ይክላሕ : ውስቴታ : በቃለ : መዝሙር ።
 አቡኃስ : አረጋዊ : አቅደመ : ተኅብዮ : ወ
 ይቤሎሙ : ለደቂቁ : ያሬድ : ከሀን :
 መጽአ : ኅቤኃ : ከመ : የሐውጸኅ ። እስ

መ : ተውሀበ : ሎቱ : መንፈስ : እእምሮ :
 ወያአምር : ነሎ : ዘይከውን : እምቅድ
 መ : ይኩን ። ወእንዝ : የካውሩ : እርዳኢ
 ሁ : ያሥግሩ : ዓሣ : ማትያስ : ወዮስፍ :
 መጽአ : ያሬድ : ቀሲስ : ወተረከበሙ :
 በማዕደተ : ፈለግ : በእግረ : ዐቀብ : ወተ
 አምኖሙ : ወይቤሎሙ : ያኅገኑ : ዝ
 አቡከሙ : አረጋዊ : ወይቤልዎ : ያኅ
 ን : ወይቤሎሙ : ያግመ : ዝስኩ : አ
 ቡከሙ : አረጋዊ : ጸድቅ : ውኣቱ :
 ዘከኖሙ : መርሐ : በፍኖት : ለአግብር
 ተ : እግዚአብሔር ። ወዐርገ : ስቤሃ : ው
 ስተ : ደብር : ወበጽሐ : ኅብ : ሀሎ : አቡ
 ነ : አረጋዊ : ወተአምኑ : ወተሐቀፋ : እ
 ስመ : እምትከት : ያአምሮ : ወበጽሐ :
 ኅብ : ቤተ : ክርስቲያን : ወሰገደ : ሥል
 ሠ : ወነጸረ : ሥነ : ሕገጸሃ ፤ ተፈሥሐ :

ወክልሐ : በቃለ : መዝሙር : ወይቤ : ይ
 ሐውጽዋ : መላእክት : እለ : በሰማያት :
 ይሐውጽዋ : መላእክት : እስመ : ማኅደ
 ረ : መላከት : ይእቲ : ያድከዋ : ያድከዋ :
 ያድከዋ : ወርኢኩ : ሥነ : ሕንጻሃ : ለቅ
 ድስት : ቤተ : ክርስቲያን :: ::

ወነበረ : ምስሌሁ : ብዙኅ : መዋዕለ :
 እንዘ : ይዛዋዕ : በቃለ : መዝሙር :
 ወተፈሥሐ : ቦቱ : አቡነ : አረጋዊ :
 በሰማሪ : ዜማሁ : ለያፌድ :: ቅዱስ
 ስ : አቡነ : አረጋዊ : ይመሪህር : ሃይማ
 ኖተ : ወይመይጦሙ : ለብዙኃን : ኃ
 ሞአን : ኀበ : ኀስሐ : ስሚያሙ : ቃለ :
 ኀበቡ : እስከ : ሰበ : ሥዩማን : ወሐራ :
 ዩኅድማም : ለከበደ : ሕይወት : ዘዝን
 ቱ : ሞላም : ወይከውኑ : መሃከሳተ ::
 ወከመ : እንተ : ዐቃቤ : ሥረደ : ተው

ሀበ : ሎቱ : እምኀበ : እግዚአብሔር : ብ
 ሐረ : ምሥረቅ :: መኑ : እንዘ : ሕዙን :
 ውእቱ : የሐውር : ኀቤሁ : ወኢይገብእ :
 ፍውሐ :: መኑ : ዘመጽኦ : እንዘ : ይላሐ :
 ወበጊዜሃ : ኢይነግፍ : ላሐ :: መኑ : እን
 ዘ : ይተመዐዕ : ይመጽእ : ወኢይተመዩዮ :
 ውስተ : ተፋቅሮ :: መኑ : ወሬዝ : ወንኩ
 ስ : ዘዐርገ : ውስተ : ደብሩ : ወበርኢዮ
 ቱ : ወበሰማሪ : ቃሉ : ለአቡነ : አረጋዊ :
 ዘኢይመሪንን : ፍተወተ : ዝንቱ : ሞላም :
 ወኢያፈቅር : ኀጽሐ : ወጽማዊ :: መኑ :
 ውእቱ : ዘጋሪን : ያመክሮ : ወመጸኦ : ኀ
 ቤሁ : ዘኢኀደን : ጋሪኑ :: ወመኑ : ውእ
 ቱ : መጸኦ : ዘለምጽ : ኢነጽሐ :: ወመ
 ኑ : ውእቱ : ዘመጽኦ : ኀቤሁ : ዘበኅሊና
 ሁ : ይተሀወከ : ወበጊዜሃ : ኢለበወ : ኀ
 ሊናሁ :: መኑ : ዘይክል : ሞንቁቀ : ሃጊረ :

አብጽሑተ : ገድሉ : ወተኣምረሁ : ወዚ
 ና : ወዳሴሁ :: ወበሕቱ : ከሂልሰ : ወስብ
 ሐት : ወጎይል : ወዕበይ : ወሥልጣን :
 ለአብ : ወወልድ : ወመንፈስ : ቅዱስ : ዋ
 ሕድ : እግዚአብሔር : እስመ : እምገቤሁ :
 ዝንቱ : ኩሉ : ከነ : ወበጸጋ : ረድኤቱ : ተጎዩ
 ለ : ዝንቱ : አብ : ለዝንቱ : ገድል : ዐቢይ :
 ወለገቢረ : ምግባራት : ሠናይ : በከመ : ይ
 ቤ : እግዚእነ : በወንጌል : አልበ : ዘይክል :
 መጸአ : ጎቤዩ : እመ : አብ : ዘፈነወኒ : አ
 ሰሐበ : ጎቤዩ :: ዝንቱስ : አቡን : አረጋዊ :
 ተስሕበ : በሐብል : ፍቅሩ : ለክርስቶስ : ወ
 ከሀለ : ዝንቱ : ገድል : ወጥኖ : ወፈጽሞ ::
 ይእዜኒ : ተማሕፀነ : በጸሎቱ : ያድገነን :
 ለስይጣን : እመሥገርቱ : ወይዕቀባነ : ከ
 መ : ጐር : ኖላዊ : ለመርጌቱ : ወትረ :
 እስከ : ለዓለመ : ዓለም : አሚን :: ::

ወሰበ : ርእዩ : አቡን : አረጋዊ : ከመ :
 በዝተ : ይቂቁ : ወከነ : ጉልቆሙ : ጿ፪ :
 ሣመ : ሎሙ : መጋቤ : በበማገበሩ : ለ
 ቤተ : ምንደድ : ለአብሰሎ : ወእለ : ያቂር
 ቡ : ማእደ : ለጊዜ : ድራር :: ወበ : እለ : ይ
 ትጌበሩ : ለግብረ : ማሕረፅ : ወበ : እለ :
 ያአምሩ : ኪነ : ወተግባረ : ወጽሐፈ : ወ
 ለኩሎሙ : ይኤዝዘመ : ለተግባርመ ::
 ወሀለወት : አሐቲ : ገንኦ : ብርት : ዘታ
 ገምር : ኒ መሣልስተ : ለጸብን : ማገበር :
 ወያቂርቡ : ለለሰርከ : በጊዜ : ማእድ ::
 ወአዘዘሙ : ይግበሩ : ጸሎተ : እምቅ
 ድመ : ይጥዐሙ : እክለ : በቃለ : መ
 ዝሙር : ወእምድጎረ : ፈጸሙ : ማእደ :
 ያነብብ : ወይፌከር : ሎሙ : መጸሕፍ
 ተ : ከመ : ይዕቀቡ : ትሕትና : ወፍቅረ :
 ወዩወሀተ : ጸመ : ወጸሎተ : ወተሐርሞ :

ወትዕግሥተ፡ ዘገተ፡ ነኹ፡ ወዘይመስ
 ሎ፡ ሠርዐ፡ ሎመ፡ ሥርዐተ፡ ማኅበር፡
 በከመ፡ ተምህረ፡ እምቤተ፡ ጳጳሮች፡
 ወተቃድሮስ፡ እበዋሁ፡ ሥርዐተ፡ ማኅበ
 ርሰ፡ ወጽሒ፡ ወዕክ፡ እምቤተ፡ ለአቡ
 ነ፡ አረጋዊ፡ እስመ፡ ውክተ፡ መምህረ፡
 ሕግ፡ ወሥርዐተ፡ ጠቢብ፡ ወማእምር፡
 ለቀዳስስ፡ አቡነ፡ አረጋዊ፡ አስተርአዩ፡
 እግዚእነ፡ ጊዜ፡ መገፈቀ፡ ሌሊት፡ ወወ
 ሀብ፡ ከዳነ፡ ወይቤሎ፡ ናሁ፡ ተሰምዐ፡ ጸ
 ሎትከ፡ ጎቤዩ፡ ወመጸእኩ፡ ጎቤከ፡ ከመ፡
 አስተፋሥከከ፡ ወአፍልስከ፡ እምጸማ፡
 ውስተ፡ ዕረፍት፡ ወእምሐዘን፡ ውስተ፡
 ትፋሥከት፡ ወእምነባር፡ ውስተ፡ ከብር፡
 በእገተ፡ ዘመነንከ፡ ግለመ፡ ግለፊተ፡ ወ
 መንግሥተ፡ ግለፊተ፡ አነ፡ እሁብከ፡ መ
 ንግሥተ፡ ስማያት፡ ዘኢይበሊ፡ ወኢይማ

ስን፡ ወህዮንተ፡ ዘመነንከ፡ ቀጠንተ፡ እ
 ልባስ፡ ዘወርቅ፡ አነ፡ አለብስከ፡ ዘዐይን፡
 ኢርኣዩ፡ ወእዝን፡ ኢሰምዐ፡ ውስተ፡ ል
 ባ፡ ስባእ፡ ዘኢተጎልዩ፡ ወህዮንተ፡ ዘመነ
 ንከ፡ ሀገረከ፡ አነ፡ እሁብከ፡ ኢየሩሳሌምነ፡
 ስማያዊተ፡ ወህዮንተ፡ ዘመነንከ፡ አብያ
 ተ፡ ዘዩጎልፍ፡ አነ፡ እሁብከ፡ አብያተ፡
 ብርሃን፡ ዘኢዮጎልፍ፡ መዝገብረሂ፡ ተ
 ዝከረከ፡ ወተኣመነ፡ በጸሎትከ፡ አነ፡ እሁ
 ባ፡ ሞገስ፡ በቅድመ፡ መላእክትዩ፡ ወለ
 ዘጸሐፈ፡ መጽሐፈ፡ ገድልከ፡ ወለዘኦጽ
 ሐፎሂ፡ በአሚን፡ ወዘተርጎሞ፡ አነ፡
 እጽሕፍ፡ ስሞ፡ ውስተ፡ መጽሐፈ፡ ሕይወ
 ት፡ ወለዘኦጽገባ፡ ርኅብ፡ ወዘኦስተዩ፡
 ጽመኦ፡ አነ፡ አበልዖ፡ ጎብስተ፡ ሕይወ
 ት፡ ወኦስተዩ፡ ጽዋዐ፡ መድኅኒት፡ ወዘ
 አምስሐ፡ ርኅብ፡ በዕለተ፡ ተዝክርከ፡ እ

ነ : አመስሐ : በቀዳሚት : ምሳክ : ዘ ፲፪
 ዓመት ። ወዘጸለየ : ጸሎተ : በውስተ :
 መርጠልክ : በዕለተ : ተግክርክ : እስም
 ያ : ጸሎቶ : ወስእለቶ : ፍጡነ : ወለዘከ
 ነጸ : ሌተ : ክርስቲያንክ : እነ : እሁብ :
 አብያተ : ብርሃን : ፲ ወ፪ ። ለዘሂ : አንበ
 ሮ : ውስተ : ሌቱ : ለዝንቱ : መጽሐፈ :
 ገድልክ : በተአምኖ : ኢይባእ : ውስተ :
 ሌቱ : ብድብድ : ኢሞተ : ስብእ : ወእን
 ስሳ : ወኢጥፍአተ : እክል ። ወዘአንበበ :
 ለዝንቱ : መጽሐፈ : ገድልክ : በጥቡዕ :
 ልብ : ወዘስምያሂ : በአሚን : ዘእንበ
 ለ : ሀኬት : እነ : አድገኖ : እምኩሉ :
 ምንዳቤሁ : ወዘያበውእ : መባእ : አው :
 ዕጣነ : አው : ቅብአ : አው : ዘይተ : እነ :
 አበውእ : ውስተ : መንግሥቱየ ፤ ወንጉ
 ሥሂ : ዘይሁብ : ቀጠንተ : አልባስ : ወ

ያከብር : መካነክ : እነ : አከብሮ : በመ
 ንግሥቱየ : ወእጼግም : ግረተ : ፀር : ወ
 ዳገኛ : ወሰላመ : ምስላ : መኳንንትሁ :
 ወአነውገ : መዋዕሊሁ : በዲባ : ምድ
 ር ፤ እምኩሉስ : ዘፀባ : ኢይቀርባክ :
 ጽላሎተ : ሞት : ወኢያደነግፀክ : መል
 አክ : ሞት : ወትትከባት : ከመ : ሂኖክ :
 ወኤልያክ : ነቢያትየ ። ለእምክ : እድኖ :
 እንተ : ቀበርክ : በእደዋክ : ይትከባት :
 መቃብሪሃ : ወኢይትረአይ : ለመኑሂ : ከ
 መ : ኢይትቀበር : ስብእ : በላዕሌሃ : እ
 ስክ : አመ : እነሥኦ : በትንሣኤ : ሕይወ
 ት ። ለዘቲሂ : መቅደስክ : እሬስያ : ክብር
 ተ : ወትኩን : መቃብረ : ለነገሥት : ወለ
 ጳጳሳት ። ወሰባ : ዘንተ : ተናገሮ : እግዚ
 እነ : ለአቡነ : አረጋዊ : ወይቤሎ : አባ :
 ክቡር : እመ : ረከብኩ : ሞገስ : በቅድ

ሚከ : አብሐኒ : እንብብ : እግዚአ : ወይ
 ቤሎ : እግዚእነ : በል : ንብብ : ወስአ
 ል : እምኔዩ : ዘፈቀድከ : አፍቁርዩ :: ወ
 ይቤ : ዘንተ : ነሉ : ዘወሀብከኒ : ይተአ
 ከቶ : ወይሐባከ : ስምከ :: ዘንብረ : ተዝ
 ካርዩ : ወጸሐፈ : መጽሐፈ : ገድልዩ : ወ
 ዘጸውዐ : ስምዩ : ወዘተአመነ : በጸሎ
 ትዩ : እስከ : እስፍንቱ : ትውልድ : ትም
 ንሮ : ወይቤሎ : መድኅኒነ : እስከ : ነው
 ኔ ትውልድ : እምንሮ : ለከ :: ወይቤሎ :
 አቡን : እረጋዊ : እመሰ : ነገሥተ : ወ
 ጳጳሳት : ክቡራን : ይተቀበሩ : በሕቲዶ
 መ : አርቱዕ : አላ : ረሲ : ይተቀበር : በ
 ቱ : ነሉ : ዘነፍስ : ወይኩን : ምስካዩ :
 ለነጻያን : ወለምስኪናን : ወለእንላ : ማ
 ውታ : ለዕዉራን : ወለሐንካሳን : እስ
 መ : አነ : ነግድ : ወፈላሳ : ውስተ : ዛቲ :

ሀገር :: ወይቤሎ : እግዚእነ : ይኩን : በከ
 መ : ትቤ : ወአውሥአ : አቡን : እረጋ
 ዊ : ወይቤሎ : ለመድኅኒነ : ዘሂ : ተቀብ
 ረ : ውስተ : መቅደስዩ : እመኒ : ዘቅሩብ :
 ወእመኒ : ዘርሐቅ : ወሞተ : በንስሐ : ኅ
 ዶግ : ሎቱ : እግዚአ : ኃጢአቶ : ወ
 ይቤሎ : መድኅኒነ : ዘተቀብረ : በርእ
 ሰ : ደብር : በሕቲቱ : ዘሂ : ተቀብረ :
 በታሕተ : ደብር : ዘሂ : ተቀብረ : በው
 ሣጤ : መቅደስከ : ይሰረይ : ሎቱ : አባ
 ሳው : ወይኩን : ለከ : ማሥራተ :: ወይቤ
 ሎ : አቡን : እረጋዊ : በርከ : እግዚአ : ዛ
 ተኒ : መቅደሰ : ወእለ : የኅድሩ : ውስቲታ :
 ወይቤሎ : ትኩን : በርከቱ : ዛቲ : መቅደ
 ስከ : ወአይተኅጣእ : ሰብእ : እምኔሃ : ወአ
 ይዋፋእ : ማኅቶታ :: ሥጋዩ : ወደምዩ : ይ
 ኩን : ሞሉለ : ወሥመረ : ወውስራ : በ

ቀድሚያ ። ወይቤሎ ፡ አቡን ፡ ባርክ ፡ ዛ
ተሂ ፡ ማኅበረ ፡ ወኅሎሙ ፡ ደቂቅዩ ፡ ቀ
ዳሳን ፡ ወትኩን ፡ በርክተ ፡ ዛቲ ፡ ማኅበ
ር ፡ ምስክሩሙ ፡ ለነዳያን ፡ ወምጽጋበሙ ፡
ለርጉባን ፡ ወምልባሰሙ ፡ ለዕሩቃን ። እ
ሉሂ ፡ ቀዳሳን ፡ ይኩኑ ፡ እእላፈ ፡ እእላፋ
ት ፡ ከመ ፡ ጥፃ ፡ ባሕር ፡ ወከመ ፡ ከዋክብ
ተ ፡ ስማይ ፡ ከመ ፡ ያዕቆብ ፡ ስፋሐ ፡ እዕ
ፁቀ ፡ ወብዙኅ ፡ ዘርእ ፡ ወኢይቀረብ ፡
ኅቤሆሙ ፡ ደዌ ፡ እኩይ ፡ ወኢከማመ ፡
ብድብድ ። ወይቤሎ ፡ አቡን ፡ አረጋዊ ፡
ባርክ ፡ ዛተሂ ፡ በዐተ ፡ ማኅደርያ ፡ እን
ተ ፡ ቆምኩ ፡ ምስልክ ፡ ወነሃእኩ ፡ ኪዳ
ነ ፡ በውስቴታ ፡ ወይቤ ፡ ትኩን ፡ በር
ክተ ፡ እንተተ ፡ ቆማ ፡ ባቲ ፡ እገሪክ ፡ ዛ
ቲ ፡ ምድርክ ፡ ትኩን ፡ ፈውሰ ፡ ወመድኅኒ
ተ ፡ ለከሉ ፡ ዛተቀብአ ፡ ነሢአ ፡ መሬታ ፡

ወእመሂ ፡ ዘበ ፡ እማም ፡ ይወዐር ፡ ሎተ ፡
ደዌሁ ፡ ዘሂ ፡ ጸር ፡ ተአማኖ ፡ ይድኅን ፡
እምደዌ ፡ ወእምብድብድ ፡ ነኪር ፡ ወያር
ኢ ፡ ተአምረ ፡ ቦቱ ፡ ዛተቀብአ ፡ እምኔ
ሁ ፡ ለፃለመ ፡ ሃለም ፡ አማን ። ወዘንተ ፡
እምድኅረ ፡ ይቤሎ ፡ ወሀበ ፡ ስላመ ፡ ወዐ
ርገ ፡ ወስተ ፡ ስማይ ፡ ወተፈሪኦሐ ፡ ቀዱ
ስ ፡ አቡን ፡ አረጋዊ ፡ በእንተ ፡ ዘወሀበ ፡
ዘንተ ፡ ዛሎ ፡ ኪዳነ ። ወሰበ ፡ ጸብሐ ፡
ጸውያ ፡ ለማትያስ ፡ ረድኡ ፡ እስመ ፡ ው
እቱ ፡ ያፈቅሮ ፡ እምከሎሙ ፡ አርዳኢ
ሁ ፡ ወይቤሎ ፡ በዛቲ ፡ ሌሊት ፡ አስተርአ
የሂ ፡ እግዚእ ፡ ወወሀበሂ ፡ ኪዳነ ። ወነገሮ ፡
ዛሎ ፡ ዘይቤሎ ፡ ወከመ ፡ ወሀበ ፡ ኪዳ
ነ ፡ ከመ ፡ ይጽሐፍ ፡ ወይኩን ፡ ተዝከረ ፡
ለተውልደ ፡ ትውልድ ፡ ዘንተ ፡ ኪዳነ ፡
ወዘንተ ፡ ገድለ ። ወሰበ ፡ ስምዐ ፡ ማትያስ ፡

ረድኦ : አንከረ : ወተፈሥሐ : በአጉተ :
 ዝገቱ : ነገር : ወይቤሎ : አቡነ : አረጋ
 ዊ : ሐር : ጸውዕ : አኅዊስ : ዠሎሙ ።
 ወሐረ : ወአስተጋብአሙ : ጎበ : ቤተ :
 ክርስቲያን : ወተመሀቡ : ሰላመ : በበይኛ
 ቲሆሙ ፤ አቡነሂ : ክቡር : ወፅኦ : እምበ
 ዐቱ : ወነበረ : ማእከል : ወመሳርሙ :
 በከመ : ያለምድ : ወድኅረ : ይቤሎሙ :
 እምዶእዚሰ : ኢትሬእዩሂ : በሥጋ ። ወሶ
 በ : ስምዑ : አኅወ : በከዩ : ብከዩ : መሪ
 ረ : ወወድቁ : ታሕተ : እገሪሁ : ለቀዳሱ ፤
 ወአገሥአሙ : ወይቤሎሙ : ኢትፋር
 ሁ : ወኢትደገግፁ : አንሰ : አማስፀገኩክ
 ሙ ። ጎበ : ክርስቶስ : እምላኪያ ። ወይቤ
 ልም : ለመኑ : ተኅድገነ : ከመ : ንኩን :
 እንላ ፤ ማውታ : ወይቤሎሙ ። ጎበ : ክር
 ስቶስ : ስማያዊ ፤ አነሂ : እሐውር : ጎበ :

እግዚአብሔር : እምላኪያ : ወይኩንክ
 ሙ : ማትያስ : ኖላዊ : ህዩገቱዩ ። ወሰ
 በ : ስምዑ : ማትያስ : ወድቁ : ታሕተ :
 እገሪሁ : ወወደደወ : ወይቤ : አንሰ : ኢ
 ዩክል : በዊኦ : ውስተ : ዝገቱ : መልእክ
 ት : ወበይ ፤ ወገሠጸ : አቡነ : ወይቤሎ :
 እርምም : ወዝገተ : ብሂሎ : በኦ : ውስ
 ተ : በዐቱ ። ወአቡነ : አረጋዊ : በዝ
 ጎ : ዘመኑ : ወበጽሐ : ለርሥእኛ : ወከኖ :
 ኀ ወ ፪ ሞት ። ወጊዜ : ነግሀ : ርእዮ :
 ቀዊሞ : እንዝ : ይገብር : ጸሎተ : እንዝ :
 ይተሐከቡ ልቡ : ለማትያስ : አይ : ጊዜ :
 ይሰወር : እምኒሆሙ : ወተመይጠ : ወገ
 ብኦ : ጎበ : ነበረ : ቀዳሙ : ከመ : ይግበ
 ር : ጸሎተ : ወከፅበ : ተመይጠ : በ ፫ ስዓ
 ጎት : ወበጽሐ : ጎበ : በዐቱ : ወኢረከቡ : እ
 ስመ : ተሰወረ : ወኢረከበ : ዘእንበላ :

መስቀል : ወምርጉዝ : ባሕቲቲቱ ። ወነገ
 ሮሙ : ለእጉዋሁ : ወወውዩወ. : ወበከዩ :
 ብካዩ : መረረ : ወአጉዙ : መስቀል : ወም
 ርጉዝ : ወስዐሙ : ወመስሎሙ : ዘረከቡ :
 ኪያሁ ። ወካነ : ተሰውሮቱ : አመ : ኀ
 ወ፬ : ለወርጎ : ጥቅምት : በሠርጎ : ዕብረ
 ውያንሰ : አመ : ኀ ወ ፩ : ለወርጎ : ታብሪ
 ን : በመዋዕሊሁ : ለገብረ : መስቀል : በስ
 ላመ : እግዚአብሔር ፤ ጸሎቱ : ወበረከ
 ቱ : ወሀብተ : ረድኤቱ : ወጸማ : ንግደቱ :
 ይዕቀባነ : ወይትማሕፀነነ : ወይትኖለወነ :
 ለዓለመ : ዓለም ። ወእምድጎረ : ፈጸሙ :
 ላሐሙ : ነገሮሙ : ማትያስ : ዠሎ : ዘተ
 ውሀበ : ሎቱ : ኪያነ : እምነበ : እግዚአ
 ብሔር ። ወሶበ : ስምዑ : ዘጉተ : ተፈሥ
 ሑ : ዐቢዩ : ፍሥሐ : ወአእኩትም : ለእግ
 ዚአብሔር : ወተመደጠ : ሐዘኖሙ : ው

ስተ : ትፍሥሕት : ወሶቤሃ : አምጽኡ :
 ክርታስ : ወቀለመ : ወጸሐፋ : መጽሐፈ :
 ገድሎ : ወኪያኑ : ዘነገርዎሙ : ማትያስ :
 ወዩሴፍ : ከመ : ይኩን : ረባሐ : ለእለ :
 ይስምዕዎ ፤ ዠሎስ : ዘገብረ : እተጽኡ
 ፈ : ከመ : እይኩን : ዝንጋዔ : ለስማ
 ዕያን : ወንስቲት : ተጽኡፈ : እምኔሁ :
 በአምጣነ : ይትከሀል ፤ ወተዘከሩ : ሥር
 ዐተ : ዘሠርዐ : ሎሙ : ከመ : ይንባሩ : በ
 ሥርዐተ : ማኅበር : ወአትሐቱ : ርእሰሙ :
 ለማትያስ : እበ : መንፈሰሙ : ዘወሀበሙ : አ
 ቡሆሙ : አረጋዊ : ወገብኡ : ኀበ : ገቢረ :
 ተዝካሩ : ለአቡሆሙ ። ወበ፴ ዕለት : ገብ
 ሩ : ዐቢዩ : በዓለ : ወርእዩ : ተኣምረ : ዐ
 ቢዩ ፤ እምድጎረ : በልዑ : ዐቢይ : ወንኡ
 ስ : መልኡ : ዠሎ : ወካነ : ከመ : ቀዳሚ ።
 ወሶበ : ርእዩ : ዐቢዩ : በረከተ : ዘወረደ :

ላዕሌሆሙ : አንከሩ : ወእእኩትዎ : ለእ
 ግዚአብሔር : ወእስከ : የ-ም : ሀለወት :
 ይኣተ : በረከት : ውስተ : ቤተ : ማገባ
 ር :: ወይቤ : ፩ እምደቁቁ : ርኢከም :
 ለማር : አረጋዊ : እንዘ : ይቁድስ : ቀር
 ባነ : ወያቀርባነ : ለዙልነ : እለ : ተጋባእ
 ነ : ለገቢረ : ተዝካሩ : እመኒ : ታኣተ : ወ
 እመኒ : ላዕለ : እለ : ሀለውነ : ለአንስት :
 ወለተባዕት : ንኡሳን : ወዐቢያን : እንበለ :
 ተሌልዮ :: ወከዕበ : ይቤ : ከልኡኒ : ርኢ
 ከም : አነኒ : እንዘ : ይፈትት : ኅብስተ :
 ወይሁብ : ባሪከ : ለዙሉ : ቀዋም : ውስ
 ተ : ማእድ :: ወ፩ስ : መነከስ : በዓለ :
 ጽሙና : ድንግል : ወንጹሕ : ወመስተጋ
 ዶል : ሰባ : አንበርዎ : ይንግሮሙ : ዘርኢ
 የ : ወስሙ : ለውኣቱ : መነከስ : አባ : ብ
 ንያሚ : ከሠተ : አፋሁ : ወይቤሉሙ : ር

ኢከም : ለአቡነ : አረጋዊ : ተዐፂፎ :
 ሞጣኣተ : ብርሃን : ወተቀጸሎ : እከሊ
 ለ : ዘያበርህ : እምነ : ፀሓይ : ምስብዒተ :
 ዘያገበበርቅ : ወዘየሀይድ : ዐይነ :: ወባረ
 ከ : ላዕለ : ዙሉ : ሕዝብ : ገብኣን : እለ :
 እፍኣ : ወውስዮ : ወነሥኣ : በእደሁ : ቀ
 ለመ : ወርቅ : ወእስተጋብአሙ : ለዙሎ
 ሙ : ደቁቁ : መነከሳት : ወጸሐፈ : ውስ
 ተ : ፍጽሞሙ : በዝዩ : ወበሀየኒ : ውስ
 ተ : እዕማዲሃ : ለኢየሩሳሌም : ወእምዝ :
 ተሰወረ : እምኔዩ :: ወበእንተዝ : ተፈሥ
 ሐ : እስመ : ረከቡ : ዐቢየ : ተስፋ : ዘእስ
 ፈዎሙ : በዘርኣዩ :: ወሶባ : ስምዐ : ንጉሥ :
 ገብረ : መስቀል : ከመ : ተሰወረ : አቡነ :
 አረጋዊ : መጽኣ : ጎበ : ደብር : ቀዳስ : ወ
 ዐርገ : ወተአምነ : ምስለ : መነከሳት :
 ወነገርዎ : ዘኮነ : ወዘርኣዩ :: አንከረ : ወ

አስተወጸበ : ወበከየ : አጉበዐ : መረረ : በ
 አገተ : ናቅሩ : ወተአምኖቱ : ለብፁዕ : አ
 በኃ : አረጋዊ : ወአስተጋብአ : ነሱሎ : ስ
 ብአ : ዘቅሩብ : ወዘርሐቅ : ወጳጳሰኒ : ዘሀ
 ለወ : ምስሌሁ : ወቆመ : ታሕተ : እገረ
 ሁ : ለማትያስ : ዘነበረ : ውስተ : መገበሩ :
 ሀዩጉቲሁ : ቀኒቶ : ሐቄሁ : ወይቤ : ገገ
 ሥ : ወሀብኩ : ምድረ : እገላሃ : ቁላሃ :
 ወደጉዐሃ : እመረብ : እስከ : ጉርጉር :
 ወበግሎ : መከዳ : ኒ አሀጉር : ወበብ
 ሌጓሂ : ኛ አሀጉር : መተራ : ወበረከ : ወ
 ሀገረ : ጸዮት : ወዘግሎ : መከዳ : በራሕ
 ቶ : ቤተ : ኖበይት : በቅሎ : ወዕፅ : ማዕ
 ሬ : ገለባ : ወሀም : ወበዳ : ዕረከ : ገኛ
 ድፍ : ወአሐቲ : ሀገር : ዘትሰመይ : ምጋ
 ርያ : ፀምር : ወአሐቲ : ሀገር : ዘትሰመ
 ይ : ይሃ : ዘገተ : ወሀበ : ጎዲጎ : ግብ

ረ : ቤተ : መገግሥት : ከመ : ይኩን :
 ሲሳዩሙ : ለመነከሳት : ወለመባአ :
 ቤተ : ክርስቲያን : ወከመ : ይኩን : ተዝ
 ከሮ : ለአቡኃ : አረጋዊ : ወአምጽአ :
 ገገሥ : ገብረ : መስቀል : ጳጳስ : ወ
 አውዝ : ከመ : ኢይባኡ : ላዕሌሀን :
 ኢመኰንን : ወኢቃለ : ነጋሢ : ወኢሥ
 ዩመ : ሀገር : ዘቅሩብ : ወዘርሐቅ : አ
 ዘዘ : ወአውዝ : ከመ : ኢይቅረቡ : ገቤሃ :
 ወይቤ : ከማሁ : ይግበሩ : እለ : እምድጎ
 ሬዩ : እስመ : ነሱሎ : መገፈሰ : እግዚአ
 ብሔር : በሙ : ከማዩ : ወከዕበ : ይቤ :
 አዕበይኖሃ : ወአከበርኖሃ : ለዛቲ : መከን :
 ከመ : ደብረ : ታቦር : ወከመ : ደብረ : ሲ
 ኖ : አከሱምሂ : ቤተ : መገግሥትኃ : ዳሞ
 ሂ : ቤተ : ጸሎትኃ : ለዓለመ : ዓለም : ወ
 ቅዱስስ : ማትያስ : ጸጋዐ : ወኅዩለ : በብዝ

ገጽ ፡ ወጸማ ፡ ወበተሐርም ፡ እም
 ጣፅመ ፡ መበልፅት ፡ ወያቲእት ፡ ርእሶ ፡
 ለሆሉ ፡ ወይትኤዘዝ ፡ ለቤተ ፡ ማኅበር ፡
 ከመ ፡ ቀዳሙ ፡ ወይሚሀር ፡ በቃለ ፡ መ
 ዝመር ፡ ወበቃለ ፡ ወገጌል ፡ ከመ ፡ ርእያ
 ሙ ፡ እነዋሁ ፡ ይቅንኡ ፡ ለምግባሪሁ ፡ ወ
 ይትልወ ፡ አሠረ ፡ ዚአሁ ፡ መንከሳትሰ ፡
 በዝኑ ፡ ፈድፋድ ፡ እንዘ ፡ ይትዌሰኩ ፡ ለላ
 ጽባሐ ፡ ፡ ውእቲሰ ፡ ማትያስ ፡ ከነ ፡ ስሙዐ ፡
 ዜና ፡ በኅበ ፡ ሆሉ ፡ ወይሚሀር ፡ ቃለ ፡
 ሃይማኖት ፡ ወእሙንቲኒ ፡ ይሰምዑ ፡ ቃ
 ላ ፡ ዚአሁ ፡ ወይትዊከፍም ፡ በጽድቅ ፡ ወ
 ጸለዮ ፡ ቅዱስ ፡ ማትያስ ፡ ምስለ ፡ አኀው ፡
 ኅቡረ ፡ ከመ ፡ በሆሉ ፡ ይዜከሩ ፡ ቃለ ፡ እ
 ግዚአብሔር ፡ ወእምድኅረ ፡ ፈጸሙ ፡ ጸ
 ሎተ ፡ አተዉ ፡ ውስተ ፡ መኃድሪሆሙ ፡
 እንዘ ፡ ያጸነግሉ ፡ ዘእምውስተ ፡ መጻሕ

ፍት ፡ ወይትናገሩ ፡ ወይዜከሩ ፡ ለላ ፩ ፡
 ከከመ ፡ ተብህለ ፡ ወአልባ ፡ እንከ ፡ ዘይከሥ
 ቅ ፡ እፋሁ ፡ ወኢ ፩ እምኔሆሙ ፡ ከመ ፡
 ይትናገር ፡ ቃለ ፡ ፅሩዐ ፡ ወነገረ ፡ ዘርቅ ፡
 ለዓለም ፡ እላ ፡ ዘተምህሩ ፡ ያነብሱ ፡ ወዮኅ
 ሥሙ ፡ ፍሬሁ ፡ ወአስተራትዖ ፡ ዘበእንተ፡
 ምግባራት ፡ በከመ ፡ ፈቃዱ ፡ ለእግዚአ
 ብሔር ፡ ወአልባ ፡ ዘይበውእ ፡ ውስተ ፡
 ቤተ ፡ ከልኡ ፡ ከመ ፡ ይርእይ ፡ ዘኮነ ፡ ወአ
 ልባ ፡ ዘያፈደፍድ ፡ ልብሰ ፡ ለርእሱ ፡ ያእ
 ሙ ፡ ሊቀ ፡ ማኅበር ፡ የዐቅባ ፡ ውስተ ፡
 ፩ ቤት ፡ እስከ ፡ አመ ፡ ዮኅፅቡ ፡ ዘይለብ
 ሱ ፡ ወከፅባ ፡ ይነሥኡ ፡ ወይዊልጡ ፡ በ
 መበከተ ፡ ሊቀ ፡ ማኅበር ፡ ወአልባ ፡ ዘ
 ይሬእዩ ፡ ብሩረ ፡ ወወርቀ ፡ ወኢከልኡ ፡ ን
 ዋዩ ፡ ውብዙኃን ፡ እላ ፡ ሞቱ ፡ እንዘ ፡ እ
 ይሬእዩ ፡ ዘንተ ፡ ዘእንበለ ፡ እላ ፡ ይትለኡ

ኩ : ለመካን ፤ እልከቱሂ : ኢይእኅዝዎ :
 በእደዋሆሙ : ለእመ : በኡ : ውስተ : ም
 ኔት : እላ : ይሚጥውዎ : ለመጋቢ ። ወቅዱስ
 ስ : ማትያስ : ፈጸሞ : ነሎ : ሕገ : ምንነ
 ስና : በከመ : ተምህረ : እም አቡሁ : አረጋዊ :
 አዕረፈ : አመ : ፳ : ለታኅሣሥ : በሰላመ :
 እግዚአብሔር ። ወእም ድኅሬሁ : አቀ
 ሙ : አቡን : ዮሴፍ : ወእም ድኅሬሁ : አ
 ባ : መድኅኒን : እግዚእ : ከመ : ይኩን : አ
 ባ : ህየንቲሁ ፤ ጸሎቱ : ወበረከቱ : ለዝን
 ቱ : ጸድቅ : ይዕቀባን : ወይትማኦሪን :
 ወየሀሉ : ምስሌን : ለኃለመ : ኃለም ።
 ወእም ድኅረ : ጉንደይ : መዋዕል : በዘመ
 ኑ : ለአባ : ዮሐኒ : ሳብዕ : መምህር : ው
 አቱ : ሐነጹ : ሎቱ : ደቂቁ : ቤተ : ክርስ
 ቲያን : ውስተ : አፈ : በዐት : ከመ : ይኩ
 ን : መቃብሪያሙ : ለመነካት : ወምም

ሕዓን : ለነሱ : እላ : ይነሥኡ : መሬተ :
 ብላ : ቆማ : እገሪሁ : ለቅዱስ : አረጋዊ :
 ወኦርኦዩ : ተአምረ : በላዕሌሃ : ወይፌ
 ውስ : ድወያነ ፤ ዘግድግድ : ገሌሃ :
 ወዘተቀብኦ : እምኔሃ : የሐዩ : እምደዌ
 ሁ ። ወእም ድኅረዝ : መጽኦ : አባ : ኢየ
 ሱስ : ሞኦ : ወይቤሎ : ለአባ : ዮሐኒ : እ
 ልብሰኒ : አባ : አስኬማ : ዘመነካት :
 ወሶቤሃ : አልበሐ : ወነባረ : ብዙተ : መዋዕ
 ል : እንዝ : ይትኤዝዝ : ለመምህሩ : ወ
 ተምህረ : ጽሕፈተ : ወኮነ : መፍቀሬ :
 ጽሙር : ወጸሎት : ወነባረ : ባሕቲቱ : በ
 ማእከላ : ጸድፍ : ወጸሐፈ : ወንጌላ : በ
 ህዩ : ወእስከ : ይእዜ : ሀለወ ፤ ወሐረ : ወገ
 ብኦ : ሀገረ : እንተ : ስማ : ሐይቅ ። ወበ
 ህዩ : ኮነ : አባ : ብዙኃን : መነካት : ወ
 በኅዳጥ : መዋዕል : መጽኦ : አቡን : ተክ

ለ : ሃይማኖት : ለቢሶ : ልብስ : ሐረ : እ
 ምጎብ : አባ : ኢየሱስ : ሞክ : ፈቂዶ : ከ
 መ : ይሐር : ኢየሩሳሌም : ወበጽሐ :
 ደብረ : ዳሞ : ቅድስት : ጎብ : ሀሎ : አባ :
 ዮሐኒ :: ወሰብ : ርእዮ : አፍቀሮ : ወስዐ
 ሞ : ወዜነዎ : በእንተ : ምጽአቱ : ወይቤ
 ሎ : መጸእኩ : ከመ : ታልብሰኒ : እስከ
 ማ : ወቆብዐ : ወእፈቀድ : ከመ : እሑር :
 ጎብ : መታብረ : እግዚእነ :: ወይቤሎ : እ
 ባ : ዮሐኒ : ሐዊረሰ : ኢይመስለኒ : አላ :
 ሀለወክ : ትኩን : አባ : ብዙኃን : በዝዩ ::
 ወባሕቱ : ለእግዚአብሔር : ንንግር : ኅ
 ቡረ : ከመ : ያርእዩ : ፍኖተ : ሠናዩ ::
 ወወሀቡ : እስኪማ : ወቆብዐ : ወነባሩ : ኅ
 ቡረ : እንዝ : ይፀመዱ : ጸሎተ :: አቡነስ :
 አባ : ተክለ : ሃይማኖት : ይገባር : ተክ
 ምረ : ወመንከረ : ወነባረ : ምስሌሁ : ለእ

ቡን : ዮሐኒ : መጠነ : ፲ ወ ፪ ሃመት :: ወ
 ገብአ : ጎብ : ኢየሱስ : ሞክ : ነሢአ : እስ
 ኬማ : ወቆብዐ : እስመ : እንበለ : ይንሣ
 እ : እስኪማ : ወቆብዐ : ወፅአ : እንበይነ :
 ጸሀቀ : ጽድቅ : አፍቀሮ : ጽሙና : ወብ
 ሕታዊ :: ወእቶሙስ : ኢየሱስ : ሞክ : ወ
 አባ : ተክለ : ሃይማኖት : ስፋላነ : እፅፁ
 ማ : ወወለዱ : ከሞክብተ : ብሩሃነ : ወብ
 ዙኃነ : ከመ : ኖሃ : ባሕር : ወመልእኖ :
 ለምድረ : እዚብ :: ወእምድኅረ : ሐይወ :
 ብዙተ : መዋዕለ : ቢሮርዐተ : አቡሁ : እ
 ረጋዊ : እፅረፈ : አባ : ዮሐኒ : አመ : ፱ :
 ለግንቦት : ወአቀመ : ህዩንቲሁ : አባ : ከ
 መ : ይኩን : ኖላዊ : ዘስሙ : ዘኢየሱስ ::
 ተፈጸመ : ገድሉ : ወተክምሪሁ : ለብእ
 ኬ : እግዚአብሔር : ቅዱስ : ወብፁፅ : አቡ
 ነ : እረጋዊ : አባ : ብዙኃን : ይቂቅ : ከመ :

ያዕቆብ፡ ስፉሐ፡ አዕፁቅ፡ ዘመልእ፡ አዝርእ
 ተሁ፡ በኢትዮጵያ፡ እምዕራብ፡ እስከ፡ ም
 ሥራቅ፡ ዘይትነበብ፡ አመ፡ ፲ ወ ፬፡ ለጥቅ
 ምት፡ በሰላመ፡ እግዚአብሔር፡ አሚን፡ ጸ
 ሎቱ፡ ወበረከቱ፡ ወሀብተ፡ ረድኤቱ፡ ወጸ
 ማ፡ ንግድቱ፡ ወትዕግሥቱ፡ ለብእሱ፡ እ
 ግዚአብሔር፡ አቡነ፡ አረጋዊ፡ ወበረከተ፡
 ኩሎሙ፡ ቅዱሳነ፡ ሮም፡ አኅዋሁ፡ ወበረከ
 ቱ፡ ለገብረ፡ ክርስቶስ፡ ዘተብረ፡ በኃላ፡ ምስ
 ሌሁ፡ ወበረከታ፡ ለእግዝእትነ፡ ማርያም፡
 ወላዲተ፡ አምላክ፡ ወበረከተ፡ ኩሎሙ፡
 ነቢያት፡ ወሐዋርያት፡ ጸድቃን፡ ወስማ
 ዕታት፡ ያህሉ፡ ምስላ፡ ኩሎሙ፡ ደቂቀ፡
 ዳም፡ ዐቢይ፡ ወንኡስ፡ ወምስላ፡ ኩል
 ነ፡ እላ፡ ተጋባእነ፡ ለገቢረ፡ ተዝካሩ፡
 ወበኃላ፡ ወለሐሚ፡ ገድሉ፡ ወምስላ፡
 ኩሎሙ፡ እላ፡ መጽኡ፡ እምቅሩብ፡ ወእ

ምርሐቅ፡ ለኃላመ፡ ኃላም፡ አሚን፡ ለኩ
 ልክሙ፡ እላ፡ ዝዩ፡ ሀለውክሙ፡ ዮም፡ በ
 ዛቲ፡ ዕለት፡ ቅድስት፡ ዕለት፡ ተዝካሩ፡ ለ
 አቡነ፡ ሮማዊ፡ እላ፡ ታነብሱ፡ ወትስም
 ዑ፡ ክርስቶስ፡ አምላክነ፡ ይረከክሙ፡
 ድልዋነ፡ ምስላ፡ ኅሩያኒሁ፡ ወቅዱሳኒሁ፡
 በይእቲ፡ ዕለት፡ ግርምት፡ ወድንጋዪ፡
 ዕጽብት፡ ወጸጋሁ፡ ለእግዚእነ፡ ኢየሱስ፡
 ክርስቶስ፡ ዘመጽኡ፡ ለመድኃኒትነ፡ ወተ
 ዐገሠ፡ ስቅለት፡ ወሞተ፡ በእንቲእነ፡ ወ
 ከዐወ፡ ደሞ፡ ቅዱስ፡ በዘብቱ፡ ተሣዩጠነ፡
 ይትወከፍ፡ ጸሎታቲክሙ፡ ወምሥዋዓ
 ቲክሙ፡ ወንስሐክሙ፡ ወይትወከፍ፡
 ቊርባኖቲክሙ፡ ወጽኃሓሓቲክሙ፡ ወ
 ይርዳክሙ፡ በዕለት፡ ተጋድሎክሙ፡
 መደሰማዕ፡ እስተብቊሥተክሙ፡ ወያህብ
 ክሙ፡ ምግባራት፡ ብሩሃት፡ ወአክሊላት፡

ምስጋና ፡ ወይጥፅብ ፡ ርስሐተክሙ ፡ ወ
ይጸጉክሙ ፡ ትፅግሥተ ፡ ወተጋገዖ ፡ ወይ
ረሐክሙ ፡ ድልዋነ ፡ ለአምልኮቱ ፡ ወይጸ
ጉክሙ ፡ እምበረከታተሁ ፡ ወያጥድር ፡
ላዕላክሙ ፡ ጸጋሁ ፡ ወያቅርብክሙ ፡ ጎ
በ ፡ ሥምረቱ ፡ ወያድገንክሙ ፡ እምከሉ ፡
መከራ ፡ ወመገሉት ፡ ወእማማት ፡ ወያግ
ብኣ ፡ ለዘተሀጉሉ ፡ እምኔክሙ ፡ ወይማሊጦ
ሙ ፡ ለነጋድያን ፡ ብሌክሙ ፡ በዳገን ፡ ወበ
ሰላም ፡ ወየሀብክሙ ፡ እግዚአብሔር ፡ ነ
ዛዜ ፡ በሐዘናት ፡ እንተ ፡ ትመጽእ ፡ ላዕ
ሌክሙ ፡ በጎይሉ ፡ መስቀሉ ፡ ለእግዚእነ ፡
ኣይሱስ ፡ ክርስቶስ ፡ ሎቱ ፡ ስብሐት ፡ ወላ
ዕሴነ ፡ ይኩን ፡ ምስረቱ ፡ ለዓለመ ፡ ዓለ
ም ፡ አማን ፡፡